



C. H. BELLOTHETA
UNIVERSITATE
CRACOVIAE

Belknap


7148


I. M. S. D.

P



7148





02967
EVTROPII
BREVIARIVM
HISTORIÆ
ROMANÆ

AD
VALENTEM AVGVSTVM
AB VRBE CONDITA

AD
ILLIVS VSQVE ET FRATRIS
VALENTINIANI
TEMPORA DEDVCTVM.
JVXTA EXEMPLAR EMENDATVM.




VARSAVIÆ & LIPSIAE 1777.

Apud MICHAELEM GRÖLL, Regis Bibliopolem.

A. Cyriac. ...

7148I






EVTROPII PRÆFATIO

DOMINO VALENTI GOTHICO

MAXIMO PERPETVO AVGVSTO.

Res Romanas, ex voluntate mansuetu-
dinis tuæ, ab urbe condita ad no-
stram memoriam, quæ in negotiis vel bel-
licis vel civilibus eminebant, per ordinem
temporum breui narratione collegi stric-
tim, additis etiam his, quæ in principum vita
egregia existerunt: ut tranquillitatis tuæ
possit mens diuina latari, prius se illustri-
um virorum facta in administrando im-
perio secutam, quam cognosceret lectione.



EVTRO-



EVTROPII HISTORIÆ ROMANÆ

LIBER PRIMVS.

CAP. I.

Romanum Imperium, quo neque ab exordio ullum fere minus, neque incrementis toto orbe amplius humana potest memoria recordari, a ROMVLO exordium habet: qui Vestalis virginis filius, & (quantum putatus est) Martis, cum REMO fratre vno partu editus est. Is cum inter pastores latrocinaretur, decem & octo annos natus urbem exiguam in Palatino monte constituit, XI. Kal. Maii, Olympiadis sextæ anno tertio: post Troiæ excidium, vt qui plurimum minimumque tradunt, trecentesimo nonagesimo quarto. Condita ciuitate, quam ex nomine suo ROMAM vocauit, hæc fere egit: Multitudinem finitimorum in ciuitatem recepit: centum ex senioribus legit, quorum consilio omnia ageret, quos senatores nominauit propter senectutem. Cum

uxores

vxores ipse & populus non haberent, in-
uitauit ad spectaculum ludorum vicinas
urbis Romæ nationes, atque earum virgi-
nes rapuit. Commotis bellis propter ra-
ptarum iniuriam, Cæninenses vicit, An-
temnates, Crustuminos, Sabinos, Fiden-
ates, Veientes: hæc omnia oppida urbem
cingunt. Et cum orta subito tempestate
non comparuisset, anno regni tricesimo
septimo ad deos transiisse creditus est. De-
inde Romæ per quinos dies senatores im-
perauerunt: & his regnantibus annus v-
nus completus est.

CAP. II.

Postea NUMA POMPILIUS rex cre-
atus est: qui bellum nullum quidem ges-
sit, sed non minus civitati, quam Ro-
mulus, profuit. Nam et leges Romanis,
moresque constituit, qui consuetudine
præliorum iam latrones ac semibarbari
putabantur; & annum descripsit in decem
menses, prius sine aliqua computatione
consulum; & infinita Romæ sacra ac tem-

pla constituit. Morbo decessit, quadragesimo tertio imperii anno.

CAP. III.

Huic successit TVLLVS HOSTILIVS. Hic bella reparauit, Albanos vicit, qui ab vrbe Roma XII. milliario absunt. Veientes & Fidenates, quorum alii sexto milliario absunt ab vrbe Roma, alii octavo decimo, bello superauit: Vrbem ampliavit, adiecto Coelio monte. Cum triginta duobus annis regnasset, fulmine iectus, cum domo sua arsit.

CAP. IV.

Post hunc ANCVS MARCIVS, Numæ ex filia nepos, suscepit imperium. Contra Latinos dimicauit: Auentinum montem ciuitati adiecit, & Janiculum: apud ostium ciuitatem supra mare sexto decimo milliario ab vrbe Roma condidit. Vicefimo quarto anno imperii morbo periit.

CAP. V.

Deinde regnum PRISCVS TARQVINVS accepit. Hic numerum senatorum duplici-

duplicavit; Circum Romæ ædificavit;
 Ludos Romanos instituit, qui ad nostram
 memoriam permanent. Vicit idem etiam
 Sabinos: & non parum agrorum, sublatum
 iisdem, vrbs Romæ territorio adiunxit;
 primusque triumphans urbem intrauit.
 Muros fecit, & cloacas; Capitolium in-
 choavit: tricesimo octauo imperii anno
 per Anci filios occisus est, regis ejus, cui
 ipse succellerat.

CAP. VI.

Post hunc SERVIVS TVLLIVS su-
 scipit imperium, genitus ex nobili fœmi-
 na; caputua tamen, & ancilla. Hic quo-
 que Sabinos subegit: montes tres, Qui-
 rinalem, Viminalem, Esquilinum, vrbi ad-
 iunxit; fossas circa murum duxit. Pri-
 mus omnium censum ordinavit, qui ad-
 huc per orbem terrarum incognitus erat.
 Sub eo Roma, omnibus in censum dela-
 tis, habuit capitum LXXXIII. millia ci-
 uium Romanorum, cum his, qui in agris
 erant. Occisus est XIV. imperii anno,
 scelere generi sui Tarquini, filii ejus re-
 gis,

gis, cui ipse successerat: & filia suæ,
quam Tarquinius habebat uxorem.

CAP. VII.

LVCIVS TARQVINIVS SVPER-
BVS, septimus atque ultimus regum, Vol-
scos (quæ gens ad Campaniam euntibus
non longe ab vrbe est) vicit: Gabios ci-
uitatem, & Suessam Pometiam subegit:
cum Tuscis pacem fecit, & templum Ioui
in Capitolio adificauit. Postea Ardeam
oppugnans, in octauo decimo milliario
ab vrbe positam ciuitatem, imperium per-
didit. Nam cum filius eius, & ipse Tar-
quinius iunior, nobilissimam sceminam
Lucretiam, eandemque pudicissimam
Collatini uxorem, stuprasset, eaque de in-
iuria marito, & patri & amicis quæsta
fuisset, in omnium conspectu se occidit.
Propter quam causam Brutus, parens &
ipse Tarquinius, populum concitauit, & Tar-
quinio ademit imperium. Mox exercitus
quoque eum, qui ciuitatem Ardeam cum
ipso rege oppugnabat, reliquit, veniens-
que ad urbem rex, portis clausis, exclusus

sus est. Cumque imperasset annos viginti quinque, cum vxore & liberis suis fugit. Ita Romæ regnatum est per septem reges annis ducentis quadraginia tribus, cum adhuc Roma, vbi plurimum, vix vsque ad quintum decimum milliarium possideret.

CAPL VIII.

Hinc CONSVLES cœpere pro vno rege duo hac de causa creati, ut, si vnus malus esse voluisset, alter eum, habens potestatem similem, coerceret. Et placuit, ne imperium longius, quam annum vnum, haberent, ne per diuturnitatem potestatis insolentiores redderentur, sed ciuiles semper essent, qui se post annum scirent futuros esse priuatos. Fuerunt igitur anno primo, expulsis regibus, Coss. L. Iunius Brutus, qui maxime egerat, vt Tarquinius pelleretur, & Tarquinius Collatinus, maritus Lucretiæ. Sed Tarquinio Collatino statim sublata dignitas est. Placuerat enim, ne quisquam in vrbe maneret, qui Tarquinius vocaretur.

Ergo

Ergo accepto omni patrimonio suo, ex vrbe migravit, & loco ipsius factus est Valerius Publicola consul.

CAP. IX.

Commonuit tamen bellum vrbi Romæ rex Tarquinius, qui fuerat expulsus, & collectis multis gentibus, vt in regnum posset restitui, dimicauit. In prima pugna Brutus consul, & Aruns Tarquinii filius, inuicem se occiderunt. Romani tamen ex ea pugna victores recellerunt. Brutum Romanæ matronæ, defensorem pudicitie suæ, quasi communem patrem per annum luxerunt. Valerius Publicola Sp. Lucretium Tricipitinum collegam sibi fecit, Lucretiæ patrem, quo morbo mortuo, iterum Horatium Puluillum collegam sibi sumsit. Ita primus annus quinque consules habuit, cum Tarquinius Collatinus vrbe cessisset propter nomen, Brutus prælio periisset; Sp. Lucretius morbo mortuus esset.

CAP.

CAP. X.

Secundo quoque anno iterum Tarquinius, ut reciperetur in regnum, bellum Romanis intulit, auxilium ferente Porfena Tulciæ rege, & Romam penecepit. Verum tum quoque victus est. Tertio anno post reges exactos, Tarquinius, cum suscipi non posset in regnum, reque ei Porfena, qui pacem cum Romanis fecerat, auxilium præstaret, Tusculum se contulit, quæ ciuitas non longe ab vrbe est, atque ibi per quatuordecim annos priuatus cum vxore consenuit. Quarto anno post reges exactos, cum Sabini Romanis bellum intulissent, victi sunt, & de his est triumphatum. Quinto anno, Valerius ille Bruti collega, & IV. Cos. fataliter mortuus est, adeo pauper, ut collatis a populo nummis sumtum habuerit sepultura, quem matronæ, sicut Brutum, annum luxerunt.

CAP. XI.

Nono anno post reges exactos, cum gener Tarquini, ad iniuriam foceris vindicandam

dicandam, ingentem collegisset exercitum, noua Romæ dignitas est creata, quæ DICTATVRA adpellatur, maior quam consularis. Eodem anno etiam MAGISTER EQVITVM factus est, qui Dictatori obsequeretur. Neque quidquam similis potest dici, quam dictatura antiqua huic imperii potestati, quam nunc tranquillitas vestra habet, maxime cum Augustus quoque Octavianus, de quo postea dicemus, & ante eum Caius Cæsar, sub dictaturæ nomine atque honore regnauerint. Dictator autem Romæ primus fuit Largius, magister equitum primus Sp. Cassius.

CAP. XII.

Sexto decimo anno post reges exactos, seditionem populus Romæ fecit, tanquam a senatu atque consulibus premeretur. Tum & ipse sibi TRIBVNOS PLEBIS, quasi proprios iudices & defensores, creauit, per quos contra senatum & consules tutus esse posset. Sequenti anno Volsci bellum reparauerunt, & vi-

cti

cti acie, etiam Coriolos ciuitatem, quam habebant optimam, perdiderunt.

CAP. XIII.

Octauo decimo anno post eiektos re-
ges expulsus ex vrbe Q. Marcius, dux
Romanorum, qui Coriolos ceperat, Vol-
scorum ciuitatem, ad ipsos Volscos con-
tendit iratus; & auxilia contra Roma-
nos accepit, Romanosque saepe vicit, vs-
que ad quintum miliarium vrbis accessit,
oppugnaturus etiam patriam, legatis, qui
pacem petebant, repudiatis; nisi ad eum
mater Veturia, & vxor Volumnia ex vr-
be venissent, quarum fletu & depreca-
tione superatus, remouit exercitum. At-
que hic secundus post Tarquinium fuit,
qui dux contra patriam suam esset.

CAP. XIV.

Casone Fabio & Tito Virgino COSS.
trecenti nobiles homines, qui ex Fabia
familia erant, contra Veientes bellum
soli susceperunt, promittentes senatui &
populo, per se omne certamen implen-
dum. Itaque profecti omnes nobiles, &
qui

qui singuli magnorum exercituum duces
esse deberent, in prælio conciderunt. V-
nus omnino superfuit ex tanta familia,
qui propter ætatem puerilem duci non
potuerat ad pugnam. Post hæc census in
vrbe habitus est, & inuenta sunt ciuium
capitum CXIX. millia.

CAP. XV.

Sequenti anno, cum in Algido monte,
ab vrbe duodecimo ferme milliario, Ro-
manus obsideretur exercitus, L. Quintius
Cincinnatus dictator est factus; qui agrum
quatuor iugerum possidens, manibus suis
colebat. Is cum in opere & arans esset
inuentus, sudore deterfo, togam prætex-
tam accepit, & cæsis hostibus, liberauit
exercitum.

CAP. XVI.

Anno CCC. & altero ab vrbe condita,
imperium consulare cessauit, & pro duo-
bus COSS. decem facti sunt, qui summam
potestatem haberent, DECEMVIRI no-
minati. Sed cum primo anno bene egis-
sent, secundo vnus ex iis Appius Clau-
dius

dus Virginii cuiusdam, qui honestis iam stipendiis contra Latinos in monte Algidio militabat, filiam virginem corrumpere voluit: quàm pater occidit, ne stuprum a decemviro sustineret: & regressus ad milites mouit tumultum. Sublata est decemuiris potestas, ipsique damnati sunt.

CAP. XVII.

Anno trecentesimo decimo quinto ab vrbe condita, Fidenates contra Romanos rebellauerunt. Auxilium præstabant his Veientes, & rex Veientium Tolumnius. Quæ ambæ ciuitates tam vicinæ vrbi sunt, vt Fidenæ sexto, Veientes XVIII. milionario absint. Coniunxerunt se his & Volsci. Sed Mamercus Æmilio dictatore, & L. Quintio Cincinnato magistro equitum, victi, etiam regem perdiderunt. Fidenæ captæ, & excisæ.

CAP. XVIII.

Post XX. annos Veientani rebellauerunt. Dictator contra ipsos missus est Furius Camillus, qui primum eos vixit acie, mox etiam ciuitatem diu obsidens cepit,

cepit, antiquissimam Italiae atque dissi-
 mam. Post eam cepit & Faliscos, non
 minus nobilem ciuitatem; sed commota
 est ei inuidia, quasi praedam male diuissset,
 damnatusque ob eam causam, & expul-
 sus ciuitate est. Statim Galli Senones ad
 urbem venerunt, & victos Romanos vn-
 decimo milliaro a Roma apud flumen
 Alliam secuti, etiam urbem occuparunt;
 neque defendi quidquam, nisi Capitolium,
 potuit. Quod cum diu obsederent, &
 iam Romani fame laborarent, a Camillo,
 qui in vicina ciuitate exsulabat, Gallis
 superuentum est, grauissimeque victi sunt.
 Postea tamen, accepto etiam auro, ne Ca-
 pitolium obsiderent, recellerunt; sed se-
 cutus eos Camillus, ita caecidit, vt & au-
 rum, quod his datum fuerat, & omnia,
 quae ceperant, militaria signa reuocaret.
 Ita tertio triumphans urbem ingressus est,
 & adpellatus secundus Romulus; quasi &
 ipse patriae conditor.

LIBER SECVNDVS.

CAP. I.

ANno trecentesimo sexagesimo quinto ab vrbe condita, post captam autem primo, dignitates mutatae sunt, & produbus COSS. facti TRIBVNI MILITARES consulari potestate. Hinc iam coepit Romana res crescere. Nam Camillus eo anno Volscorum ciuitatem, quae per septuaginta annos bellum gesserat, vicit, & Aequorum urbem, & Sutrinorum, atque omnes, deletis eorum exercitibus, occupauit, & tres simul triumphos egit. Titus etiam Quintius Cincinnatus Praenestinos, qui vsque ad vrbis Romae portas bello venerant, persecutus, ad flumen Al Liam vicit, & ciuitates, quae sub ipsis agebant, Romanis adiunxit. Ipsam Praeneste adgressus, in deditionem accepit; quae omnia ab eo gesta sunt viginti diebus, triumphusque ipsi decretus. Verum dignitas Tribunorum militarium non diu perseuerauit. Nam post aliquantum
nullos

nullos placuit fieri, & quadriennium ita in vrbe fluxit, vt potestates ibi maiores non ellecte. Præsumserunt tamen Tribuni militares consulari potestate iterum dignitatem, & triennio perseuerauerunt. Rursus consules facti.

CAP. II.

L. Genucio, & Q. Seruilio COSS. mortuus est Camillus, honor ei secundus post Romulum delatus est. T. Quirtilius dictator aduersus Gallos, qui in Italiam venerant, miles est. Hi ab vrbe quarto milliaro, trans Anienem fluvium confederant. Nobilissimus de senatoribus T. Manlius, prouocantem Gallum ad singulare certamen, congressus occidit, & sublato torque aureo, colloque suo imposito, in perpetuum Torquati sibi & posteris cognomen accepit. Galli fugati sunt, mox per C. Sulpitium dictatorem etiam victi. Non multo post a C. Martio Tusci victi sunt, VIII. millia captiuorum ex his in triumphum ducti.

CAP.

CAP. III.

Census iterum habitus est. Et cum Latini, qui a Romanis subacti erant, milites præstare nollent, ex Romanis tantum tirones lecti sunt, factæque legiones decem, qui modus sexaginta, vel amplius, armatorum millia efficiebat. Paruis adhuc Romanis rebus, tanta tamen in remilitari virtus erat. Quæ cum profectæ essent aduersus Gallos, duce L. Furio, quidam ex Galis vnum e Romanis, qui esset optimus, prouocauit. Tum se M. Valerius tribunus militum obtulit: & cum processisset armatus, coruus ei supra dextrum brachium sedit; mox commissa aduersus Gallum pugna, idem coruus alis & vnguibus Galli oculos verberauit, ne rectum posset adspicere. Ita a tribuno Valerio interfectus non solum victoriam ei, sed etiam nomen dedit. Nam postea idem Coruinius est dictus. Ac propter hoc meritum annorum trium & viginti Cos. est factus. Latini, qui noluerunt milites dare, hoc quoque a Romanis exi-

gere cœperunt, ut vnus consul ex eorum, alter ex Romanorum populo crearetur. Quod cum esset negatum, bellum contra eos susceptum est, & ingenti pugna superati sunt, ac de his perdomitis triumphatum est. Statuæ consulibus ob meritum victoriæ in Rostris positæ sunt. Eo anno etiam Alexandria, ab Alexandro Macedone, condita est.

CAP. IV.

Jam Romani potentes esse cœperunt. Bellum enim in centesimo & tricesimo fere milliario ab vrbe apud Samnites gerebatur, qui medii sunt inter Picenum, Campaniam, & Apuliam. L. Papirius Cursor cum honore dictatoris ad id bellum profectus est. Qui cum Romam redisset, Q. Fabio Maximo, magistro equitum, quem apud exercitum reliquit, præcepit, ne se abiente pugnaret. Ille, occasione reperta, felicissime dimicauit, & Samnites deleuit. Ob quam rem a dictatore capitis diminatus, quod se vetante pugnasset, ingenti fauore militum & populi

puli liberatus est, tanta Papirio seditione commota, ut pene ipse interficeretur. Postea Samnites Romanos, T. Veturio & Sy. Pullunio Coss. ingenti dedecore vicerunt. Pax tamen a senatu & populo soluta est, quæcum ipsis propter necessitatem facta fuerat. Postea Samnites victi sunt a L. Papirio consule: septem milia eorum sub iugum missa, Papirius de Samnitibus triumphavit. Eo tempore Appius Claudius censor Aquam Claudiam induxit, & viam Appiam stravit.

CAP. V.

Samnites reparato bello Q. Fabium Maximum vicerunt, tribus milibus hominum occisis. Postea cum pater ei Fabius Maximus legatus fuisset, & Samnites vicit, & plurima eorum oppida cepit. Deinde P. Cornelius Rufinus, Manius Curius Denatus, ambo Coss. contra Samnites missi, ingentibus præliis eos confecere. Tum bellum cum Samnitibus per annos novem & XL. actum, sustulerunt; neque ullus hostis fuit intra Italiam, qui Roma-

nam virtutem magis fatigauerit. Inter-
iectis aliquot annis, iterum se Gallorum co-
piæ, contra Romanos, Tuscis Samniti-
busque iunxerunt, sed cum Romam ten-
derent, a Cn. Cornelio Dolabella Cos. de-
letæ sunt.

CAP. VI.

Eodem tempore Tarentinis, qui iam
in vltima Italia sunt, bellum indictum est:
quia legatis Romanorum iniuriam fecerant.
Hi Pyrrhum, Epiri regem, contra Ro-
manos auxilio poposcerunt, qui ex genere
Achillis originem trahebat. Is mox ad I-
taliâ venit, tumque primum Romani
cum transmarino hoste dimicauerunt.
Missus est contra eum consul P. Valerius
Leuinus, qui, cum exploratores Pyrrhi
cepisset, iussit eos per castra duci, osten-
di omnem exercitum, tumque dimitti, vt
renuntiarent. Commissa mox pugna, cum
iam Pyrrhus fugeret, elephantorum auxi-
lio vicit, quos incognitos Romani expa-
uerunt, sed nox prælio finem dedit. Le-
uinus tamen per noctem fugit. Pyrrhus
Roma-

Romanos mille octingentos cepit, eosque summo honore tractavit, occisos sepeliuit. Quos cum aduerso vulnere & truci vultu, etiam mortuos iacere vidisset, tulisse ad ccelum manus dicitur, cum hac voce, *se totius orbis dominum esse potuisse, si tales sibi milites contigissent.*

CAP. VII.

Postea Pyrrhus, iunctis sibi Samnitibus, Lucanis, Brutiisque, Romam perrexit, omnia ferro igneque vastauit. Campaniam depopulatus est, atque ad Prænestem venit, milliario ab vrbe octauo decimo. Mox terrore exercitus, qui cum consule sequebatur, in Campaniam se recepit. Legati ad Pyrrhum de redimendis capitulis missi, ab eo honorifice suscepti sunt, captiuos sine pretio Romam misit. Vnum ex legatis Romanorum, Fabricium, sic admiratus est, vt, cum eum pauperem esse cognouisset, quarta parte regni promissa, sollicitare voluerit, vt ad se transiret; contemptusque a Fabricio est. Quare cum Pyrrhus ingenti Romanorum
ad-

admiratione teneretur, legatum misit, qui pacem æquis conditionibus peteret, præcipuum virum, Cineam uomine, ita ut Pyrrhus partem Italiæ, quam iam armis occupauerat, obtineret. Pax displicuit: remandatumque Pyrrho a senatu est, eum cum Romanis, nisi ex Italia recessisset, pacem habere non posse. Tum Romani iusserunt captivos omnes, quos Pyrrhus reddiderat, infames haberi, quod se armis defendere potuissent, nec ante eos ad veterem statum reuerſi, quam sibi notorum hostium occisorum spolia retulissent. Ita legatus Pyrrhi reuerſus est. A quo cum quæreretur Pyrrhus, *quam Romam compriſſet*, Cineas dixit, *regem se patriam vidisse. Scilicet tales illic fere omnes, qualis unus Pyrrhus apud Epirum & reliquam Græciam putaretur.*

CAP. VIII.

Missi sunt contra Pyrrhum duces P. Sulpicius & Decius Mus, consules. Cer- tamine commisso Pyrrhus vulneratus est, elephantis interfecti, xx. millia caesa hostium,

sum duces dimicans victor fuit, XVIII. millia hostium cecidit, quinque millia cum XVIII. elephantis cepit, LXXIII. ciuitates in fidem accepit. Tum victi Carthaginienſes pacem a Romanis petierunt: quam cum Regulus nollet niſi duriffimis conditionibus dare, Afri auxilium a Lacedæmoniis petierunt: & duce Xantippo, qui a Lacedæmoniis miſſus fuerat, Romanorum dux Regulus victus eſt vltima perniciæ. Nam duo millia tantum ex omni Romano exercitu refugerunt; quindecim millia cum imperatore Regulo capta ſunt: XXX. millia occiſa; Regulus ipſe in catenas coniectus.

CAP. XII.

M. Æmilio Paulo, Seruio Fulvio Nobiliore Coſſ. ambo Romani coſules ad Africam proſecti ſunt cum trecentarum nauium claſſe: primum Afros naturali certamine ſuperant. Æmilius coſul CIV. naues hoſtium demerſit: XXX. cum pugnatoribus cepit: XV. millia hoſtium aut occidit, aut cepit; militem ſuum ingenti

præda ditauit. Et subacta Africa tum fuisset, nisi tanta fames fuisset, ut diutius expectare exercitus non posset. Consul, cum victrici classe redeunt, circa Siciliam naufragium passi sunt; & tanta tempestas fuit, ut ex quadringentis sexaginta quatuor nauibus, octoginta seruari vix potuerint. Neque ullo tempore tanta maritima tempestas audita est. Romani tamen statim ducentas naves reparauerunt; neque in aliquo animus his infractus fuit.

CAP. XIII.

Cn. Seruilius Cépío, & C. Sémpronius Blæsus Coss. cum ducentis sexaginta nauibus ad Africam profecti sunt, aliquot ciuitates ceperunt: prædam ingentem reducentes, naufragium passi sunt. Itaque cum continuæ calamitates Romanis displicerent, decreuit Senatus, ut a maritimis præliis recederetur, & tantum sexaginta naves ad præsidium Italiæ saluæ essent. L. Cælio Metello, C. Furio Placido Coss. Metellus

lus in Sicilia Afrorum ducem, cum CXXX. elephantis & magnis copiis venientem, superavit, XX. millia hostium cecidit, XXVI. elephantos cepit, reliquos errantes per Numidas, quos in auxilium habebat, collegit, & Romam reduxit ingenti pompa, cum CXXX. elephantorum numerus omnia itinera compleret.

CAP. XIV.

Post hæc mala Carthaginenses Regulum ducem, quem ceperant, petierunt, ut Romam proficisceretur, & pacem a Romanis obtineret; ac permutationem captiuorum faceret. Ille Romam cum venisset, inductus in lenatum, nihil quasi Romanus egit: dixitque, *se ex illa die, qua in potestatem Afrorum venisset, Romanum esse desisse.* Itaque & uxorem a complexu remouit, & Romanis suavit, ne pax cum Pœnis fieret: *illos enim fractos tot casibus, spem nullam habere: tanti non esse, ut tot millia captiuorum propter unum se, & senem, & paucos, qui ex Romanis capti fuerant, redderentur.* Itaque

que obtinuit, nam Afros pacem petentes nullus admisit: ipse Carthaginem rediit; offerentibusque Romanis, ut eum Romæ tenerent, negavit se in ea urbe mansurum, in qua postquam Afris servierat, dignitatem honesti civis habere non posset. Regressus igitur ad Africam, omnibus suppliciis extinctus est.

CAP. XVI.

P. Claudio Pulcro & C. Junio Coss. Claudius contra auspicia pugnavit, & a Carthaginensibus victus est. Nam ex ccxx. navibus cum xxx. fugit, nonaginta cum pugnatoribus captæ sunt; demersæ ceteræ. Alius quoque consul classem naufragio amisit: exercitum tamen saluum habuit, quia vicina litora erant.

CAP. XVI.

G. Lutatio Catulo, A. Postumio Albino Coss. anno belli Punici xxiii. Catulo bellum contra Afros commissum est. Profectus est cum ccc. navibus in Siciliam; Afri contra ipsum cccc. paraerunt. Nunquam in mari tantis copiis pugna-

pugnatum est. Lutatius Catulus nauem
ager adscendit: vulneratus enim in pu-
gna superiore fuerat. Contra Lilybæum,
ciuitatem Siciliæ, pugnatum est ingenti
virtute Romanorum. Nam LXXIII Car-
thaginiensium naves captæ sunt, CXXV.
demersæ. XXXII. millia hostium capta,
XIII. occisa, infinitum auri argentique
pondus in potestatem Romanorum reda-
ctum. Ex classe Romanorum XII. naues
demersæ, pugnatum est VI. idus Martias.
Statim Carthaginienses pacem petierunt,
tributa est eis pax; captiui Romanorum,
qui tenebantur á Carthaginiensibus, red-
diti sunt. Etiam Carthaginienses petie-
runt, vt redimi eos captiuos liceret, quos
ex Afris Romani tenebant. Senatus
iussit sine pretio dari eos, qui in publi-
ca custodia essent; Qui autem a
priuatis tenerentur; vt pretio do-
minis reddito Carthaginem redirent,
atque id pretium ex fisco magis,
quam a Carthaginiensibus, solueretur.
Q. Lu-

Q. Lutatius, A. Manlius Coss. creati, bellum Faliscis intulerunt, quæ ciuitas Italiæ opulenta quondam fuit, quod ambo Coss. intra sex dies, quam venerant, transegerunt, xv. millibus hostium cæsis, ceteris pace concessa, agro tamen ex medietate sublato.



LIBER TERTIUS

CAP. I.

Finito igitur Punico bello, quod per xxiii. annos tractum est, Romani iam clarissima gloria noti, legatos ad Ptolemæum Ægypti regem miserunt, auxilia promittentes, quia Rex Syriæ Antiochus ei bellum intulerat. Ille gratias Romanis egit, auxilia non accepit, iam enim fuerat pugna transacta. Eodem tempore potentissimus Rex Siciliæ Hiero Romam venit ad ludos spectandos, & ducenta millia mediorum tritici populo dono dedit. L. Cornelio Lentulo, Ful-
uio

tio Flacco Coss. quibus Hiero Romam ve-
 nerat, etiam contra Ligures intra Italiam
 bellum gestum est, & de his triumphatum.
 Carthaginienses tum bellum reparare tenta-
 bant: Sardinienses, qui ex conditione pacis
 Romanis parere debebant, ad rebellandum
 impellentes. Venit tamen legatio Cartha-
 ginensium Romam, & pacem impetrauit.
 T. Manlio Torquato, C. Attilio Balbo Coss.
 de Sardis triumphatum est: & pace omni-
 bus locis facta, Romani nullum bellum ha-
 buerunt, quod his post Romam conditam
 semel tantum, Numa Pompilio regnante,
 contigerat. L. Pustumius Albinus, Cn. Ful-
 vius Centumalus Coss. bellum contra Illyri-
 os gesserunt: & multis ciuitatibus captis e-
 tiam reges in deditionem acceperunt: ac-
 tum primum de Illyriis triumphatum est.

CAP. II.

L. Æmilio Cos. ingentes Gallorum co-
 piæ Alpes transierunt. Sed pro Romanis to-
 ta Italia consensit: traditumque est a Fabio
 historico, qui ei bello interfuit, DCCC. mil-
 lia hominum parata ad id bellum fuisse. Sed
 res per Cos. tum prospere gesta est: XL. millia
 C hostium

hostium interfecta sunt, & triumphus Æmilio decretus. Aliquot deinde annis post, contra Gallos intra Italiam pugnatum est, finitumque est bellum M. Claudio Marcello, Cn. Cornelio Scipione Coss. Tunc Marcellus cum parua manu equitum dimicauit, & Regem Gallorum, Viridomarum nomine, manu sua occidit. Postea cum collega ingentes copias Gallorum peremit, Mediolanum expugnauit, grandem prædam Romanis pertulit, ac triumphans Marcellus spolia Gali, stipiti imposita, humeris suis vexit. M. Minucio, P. Cornelio Coss. Histis bellum illatum est, quia latrocinati naues Romanorum fuerant, quæ frumenta exhibebant, perdonitque sunt omnes.

CAP. III.

Eodem anno bellum Punicum secundum Romanis illatum est per Annibalem, Carthaginensium ducem, qui Saguntum, Hispaniæ ciuitatem, Romanis amicam, oppugnare adgressus est, annum agens vicissimum ætatis, copiis congregatis cl. millium peditum & xx. millium equitum. Huic Romani per legatos denuntiauerunt, ut bello

lo abstineret. Is legatis parere noluit. Romani etiam Carthaginem miserunt, ut mandaretur Annibali, ne bellum contra socios populi Romani gereret. Dura responsa a Carthaginensibus reddita. Saguntini interea fame victi sunt; capique ab Annibale ultimis pœnis adficiuntur. Tum P. Cornelius Scipio cum exercitu in Hispaniam profectus est; Tiberius Sempronius in Siciliam; bellum Carthaginensibus indictum est.

CAP. IV.

Annibal, relicto in Hispania fratre Asdrubale, Pyrenæum transiit; Alpes, adhuc ea parte inuias, sibi patefecit. Traditur ad Italiam lxxx. milia peditum, & xx. millia equitum; septem & xxx. elephantos adduxisse. Interea multi Ligures & Galli Annibali se iunxerunt. Sempronius Gracchus, cognito ad Italiam Annibalis aduentu e Sicilia, exercitum Ariminum traiecit. P. Cornelius Scipio Annibali primus occurrit, commisso prælio, fugatis suis, ipse vulneratus in castra rediit. Sempronius Gracchus & ipse configit apud Trebiam amnem. Is quoque vincitur. Annibali multi se in Ita-

C 2

lia

lia dediderunt. Inde ad Tusciam veniens Annibal Flamini consuli occurrit; ipsum Flaminium interemit: Romanorum xxv. millia caesa sunt; ceteri diffugerunt. Missus aduersus Annibalem postea a Romanis Q. Fabius Maximus. Is eum, differendo pugnam, ab impetu fregit; mox inuenta occasione vicit.

CAP. V.

Quingentesimo & quadagesimo anno a condita vrbe, L. Æmilius Paulus, P. Terentius Varro, contra Annibalem mittuntur, Fabioque succedunt. Qui Fabius ambos Coss. monuit, vt Annibalem callidum & impatientem ducem non aliter vincerent, quam praelium differendo. Verum cum impatientia Varronis consulis, contradicente consule altero, apud vicum, qui Cannæ appellatur, in Apulia pugnatum esset, ambo Coss. ab Annibale vincuntur. In ea pugna III. millia Afrorum pereunt, magna pars de exercitu Annibalis fauciatur. Nullo tamen Punico bello Romani grauius accepti sunt. Periit enim in eo Æmilius Paulus consul: consulares aut prætorii xx. senatores

tores capti aut occisi xxx : nobiles viri ccc. militum xl. millia ; equitum iii. millia & quingenti. In quibus malis nemo tamen Romanorum pacis mentionem habere dignatus est. Serui, quod nunquam ante, manu missi & milites facti sunt.

CAP. VI.

Post eam pugnam multæ Italiæ ciuitates, quæ Romanis paruerunt, se ad Annibalem transtulerunt. Annibal Romanis obtulit, vt captiuos redimerent, responsumque est a senatu, eos ciues non esse necessarios, qui cum armati essent, capi potuissent. Ille omnes postea variis suppliciis interfecit, & tres modios aureorum annulorum Carthaginem misit, quos e manibus equitum Romanorum, senatorum & militum detraxerat. Interea in Hispania, vbi frater Annibalis Asdrubal remanerat cum magno exercitu, vt eam totam Afris subigeret, a duobus Scipionibus, Romanis ducibus, vincitur, perditque in pugna xxxv. millia hominum. Ex his capiuntur x millia ; occiduntur xxv. Mittuntur ei a Carthaginensibus ad reparandas

randas vires XII. millia peditum, IV. millia equitum, xx. elephantum.

CAP. VII.

Anno quarto postquam in Italiam Annibal venit, M. Claudius Marcellus Cos. apud Nolam, ciuitatem Campaniæ, contra Annibalem bene pugnavit. Annibal multas ciuitates Romanorum per Apuliam, Calabriam, & Bruttios occupauit. Quo tempore etiam Rex Macedoniæ Philippus ad eum legatos misit, promittens auxilia contra Romanos sub hac conditione, vt, delectis Romanis, ipse quoque contra Græcos ab Annibale auxilia acciperet. Captis igitur legatis Philippi, & re cognita, Romani in Macedoniam M. Valerium Leuinum ire iusserunt: In Sardiniam T. Manlium Torquatum proconsulem. Nam etiam ea sollicitata ab Annibale Romanos deseruerat. Ita vno tempore quatuor locis pugnabatur: in Italia contra Annibalem; in Hispaniis contra fratrem eius Asdrubalem; in Macedonia contra Philippum; in Sardinia contra Sardos, & alterum Asdrubalem Carthaginientem. Is a T. Manlio proconsule

fule, qui ad Sardiniam missus fuerat, viuis est captus, occisa cum eo XII. millia, capti mille quingenti, & a Romanis Sardinia subacta. Manlius victor captiuos & Asdrubalem Romam reportauit. Interea etiam Philippus a Læuino in Macedonia vincitur, & in Hispania a Scipionibus Asdrubal, & Maggo, tertius frater Annibalis.

CAP. VIII.

Decimo anno, postquam Annibal in Italiam venerat, P. Sulpicio, Cn. Fulvio Coss. Annibal usque ad quartum milliarium urbis accessit; equites eius usque ad portas. Mox consulum metu, cum exercitu venientium, Annibal ad Campaniam se recepit. In Hispania a fratre eius Asdrubale ambo Scipiones, qui per multos annos victores fuerant, interficiuntur; exercitus tamen integer mansit: casu enim magis erant, quam virtute, decepti. Quo tempore etiam a consule Marcello Sicilia magna pars capta est, quam tenere Afri ceperant: ex nobilissima vrbe Syracusana præda ingens Romam perlata est. Læuinus in Macedonia cum Philippo, & multis Græciæ populis, & rege Asiæ Attalo amicitiam fecit: & ad Siciliam
pro-

profectus, Annonem quendam, Afrorum ducem, apud Agrigentum ciuitatem, cum ipso oppido cepit, eumque Romam cum captiuis nobilibus misit, XL. ciuitates in dedicationem accepit, XXVI. expugnauit. Ita omni Sicilia recepta, Macedonia fracta, ingenti gloria Romam regressus est. Annibal in Italia Cn. Fuluium consulem subito adgressus, cum octo millibus hominum interfecit,

CAP. IX.

Interea ad Hispanias, vbi occisis duobus Scipionibus nullus Romanus dux erat, P. Cornelius Scipio mittitur, filius P. Scipionis, qui ibidem bellum gesserat, annos natus quatuor & viginti; vir Romanorum omnium & sua aetate, & posteriori tempore fere primus. Is Carthaginem Hispaniae cepit; in qua omne aurum, & argentum, & belli adparatum Afri habebant; nobilissimos quoque obsides, quos ab Hispaniis acceperant: Magonem etiam fratrem Anni balis ibidem capit, quem Romam cum aliis mittit. Romae ingens laetitia post hunc nuntium fuit. Scipio Hispanorum obsides parentibus reddidit. Quare omnes fere Hispani ad eum

um vno animo transferunt. Post quæ Asdrubalem, Annibalis fratrem, victum fugat, & prædam maximam capit. Interea in Italia Cos. Q. Fabius Maximus Tarentum cepit, in qua ingentes copiæ Annibalis erant. Ibi etiam ducem Annibalis Carthalonem occidit, xxv. millia captiuorum vendidit, prædam militibus dispersit, pecuniam hominum venditorum ad fiscum retulit. Tum multæ ciuitates Romanorum, quæ ad Annibalem transferant, rursus se Fabio Maximo dediderunt.

CAP. X.

Insequenti anno Scipio in Hispania egregias res egit, & per se, & per fratrem suum L. Scipionem: LXX. ciuitates recepit. In Italia tamen male pugnatum est. Nam Claudius Marcellus Cos. ab Annibale occisus est. Tertio anno, postquam Scipio ad Hispaniam profectus est, rursus res inclusas gerit: regem Hispaniarum, magno prælio victum, in amicitiam accepit, & primus omnium a victo obsides non poposcit. Desperans Annibal Hispanias contra Scipionem ducem diutius posse retineri, fratrem suum

suum Asdrubalem in Italiam cum omnibus copiis euocauit. Is veniens eodem itinere, quo etiam Annibal venerat, a consulibus Appio Claudio Nerone, & M. Livio Salinatore, apud Senam, Piceni ciuitatem, in insidias compositas incidit; strenue tamen pugnans occisus est, ingentes eius copiae captae aut interfectae sunt, magnum pondus auri atque argenti Romam relatum. Post hæc Annibal diffidere de belli cœpit euentus; Romanis ingens animus accessit. Itaque & ipsi euocauerunt ex Hispania P. Cornelium Scipionem. Is Romam cum ingenti gloria venit. Q. Cæcilio, L. Valerio Coss. omnes ciuitates, quæ in Brutijs ab Annibale tenebantur, Romanis se traderunt.

CAP. XI.

Anno xiv. postquam in Italiam Annibal venerat, Scipio consul est factus, & in Africam missus. Cui viro diuinum quidam inesse existimabatur, adeo, vt putaretur etiam cum numinibus habere sermonem. Is in Africa contra Annonem ducem Afrorum pugnavit, exercitum ejus interfecit;
secundo

secundo proelio castra cepit, cum quatuor millibus & quingentis militibus; XI. millibus occisis. Syphacem Numidiae Regem, qui se Afriis coniunxerat, capit & castra eius inuadit. Syphax cum nobilissimis Numidis, & infinitis spoliis, Romam ab Scipione mittitur. Qua re audita, omnis fere Italia Annibalem deserit. Ipse a Carthaginensibus redire in Africam iubetur, quam Scipio vastabat. Ita anno XVII. ab Annibale Italia liberata est.

CAP. XII.

Legati Carthaginensium pacem a Scipione petierunt, ab eo ad senatum Romam missi sunt; quadraginta & quinque diebus induciæ datæ sunt, quousque Romam ire & regredi possent, & xxx. millia pondo argenti ab his accepta sunt. Senatus ex arbitrio Scipionis pacem iulit cum Carthaginensibus fieri. Scipio his conditionibus dedit, *ne amplius, quam XXX. naues haberent, D. millia pondo argenti darent; captiuos & perfugas redderent.* Interim Annibale veniente ad Africam pax turbata est, multa hostilia ab Afriis facta sunt; legatita-

men

men eorum, ex vrbe venientes, a Romanis capti sunt, & iubente Scipione, dimissi. Annibal quoque frequentibus præliis victus a Scipione, petit etiam ipse pacem. Cum ventum esset ad colloquium, iisdem conditionibus data est, quibus prius; addita quingentis millibus pondo argenti C. millia librarum, propter nouam perfidiam. Carthaginiensibus conditiones displicuerunt, iusseruntque Annibalem pugnare: infertur a Scipione, & Masinissa, alio rege Numidarum, qui amicitiam cum Scipione fecerat, Carthagini bellum.

CAP. XIII.

Annibal tres exploratores ad Scipionis castra misit: quos captos Scipio circum duci per castra iussit, ostendique eis totum exercitum; mox etiam prandium dari, dimittique: vt renunciarent Annibali, quæ apud Romanos vidissent. Interea prælium ab utroque duce instructum est, quale vix vlla memoria fuit, cum peritissimi viri copias suas ad bellum educerent, Scipio victor recedit, pene ipso Annibale capto: qui primum cum multis equitibus, deinde cum
XX.

XX. postremo cum quatuor euasit. Inuenta in castris Annibalis argenti pondo XX. millia, auri LXXX. cetera supellestilia copiosa. Post id certamen pax cum Carthaginensibus facta est. Scipio Romam rediit, ingenti gloria triumphauit, atque Africanus ex eo adpellari coeptus est. Finem accepit secundum Punicum bellum, post annum nonum decimum, quam coeperat.



LIBER QVARTVS.

CAP. I.

Transactio Punico bello, secutum est MACEDONICVM contra Philippum regem. Quingentesimo & quinquagesimo primo anno ab vrbe condita T. Quintius Flaminius aduersus Philippum regem mittitur: prospere rem gessit. Pax ei data est his legibus, ne Græciæ ciuitatibus, quas Romani contra eum defenderant, bellum inferret: ut captiuos & transfugas redderet; quinquaginta solum naues haberet, reliquas Romanis daret; per annos decem quaterna millia pondo

pando argenti praestaret, & obsidem daret filium juum Demetrium. T. Quintius etiam Lacedæmonis intulit bellum; ducem eorum Nabidem vicit: & quibus voluit conditionibus, in fidem accepit. Ingenti gloria duxit ante currum nobilissimos obsides, Demetrium Philippi filium, & Armenem Nabidis.

CAP. II.

Transacto bello Macedonico, secutum est SYRIACVM contra Antiochum regem, P. Cornelio Scipione, M. Acilio Glabrione Coss. Huic Antiocho Annibal se iunxerat; Carthaginem, patriam suam, metu, ne Romanis traderetur, relinquens. M. Acilius Glabrio in Achaia pugnavit bene: castra regis Antiochi nocturna pugna capta sunt, ipse fugatus. Philippo, quia contra Antiochum Romanis auxilio fuit, filius Demetrius redditus est. L. Cornelio Scipione, C. Lelio Coss. Scipio Africanus fratri suo L. Cornelio Scipioni consuli legatus contra Antiochum auxilio profectus est. Annibal, qui cum Antiocho erat, navali praelio victus est. Ipse postea Antiochus circa Magnesium ad Sipylum, Asiae civitatem, a
Cos.

Cos. Cornelio Scipione ingenti prælio fufus est. Auxilio fuit Romanis in ea pugna Eumenes, Attali regis frater, qui Eumeniam in Phrygia condidit. L. millia peditum, III. equitum eo certamine ex parte regis occifa funt. Tum rex Antiochus pacem petit, iisdem conditionibus datur a fenatu, quanquam victo, quibus ante offerebatur; vt ex Europa & Asia recederet, atque intra Taurum fe contineret, X. millia talentorum, & XX. obfides præberet, Annibalem concitatore belli dederet. Eumeni regi donatæ funt omnes Afia ciuitates, quas Antiochus bello perdiderat, & Rhodiis, qui auxilium Romanis contra regem Antiochum tulerant, multæ vrbes conceffæ funt. Scipio Romam rediit, ingenti gloria triumphauit, nomen & ipfe, ad imitationem fratris, Afatici accepit, (quia Afiam vicerat, ficut frater ipfius propter Africam domitam Africanus adpellabatur.) Spurio Postumio Albino, Q. Martio Philippo Coss. M. Fuluius de ÆTOLIS triumphauit. Annibal, qui victo Antiocho, ne Romanis traderetur, ad Prufiam, Bithyniæ regem, fugerat, repetitus etiam ab eo
est

est per T. Quintium Flaminium, & cum tradendus Romanis esset, venenum bibit, & apud Libysam, in finibus Nicomediensium sepultus est.

CAP. III.

Philippo rege Macedoniae mortuo, qui & aduersum Romanos bellum gesserat, & postea Romanis contra Antiochum auxilium tulerat, filius eius PERSEVS in Macedonia rebellauit, ingentibus copiis ad bellum paratis. Nam adiutores habebat Cotym Thraciae regem; Illyrici regem, Gentium nomine: Romanis autem in auxilium erant Eumenes Asiae rex, Ariathes Cappadociae, Antiochus Syriae, Ptolemaeus Aegypti, Masinissa Numidiae. Prusias autem Bithyniae, quanquam sororem Persei uxorem haberet, vtrisque se aequum praeiuit. Dux Romanorum P. Licinius Cos. contra eum missus, & a rege graui proelio victus. Neque tamen Romani, quanquam superati, regi petenti pacem praestare voluerunt, nisi his conditionibus; *ut se & suos senatui & populo Rom. dederet.* Mox missus contra eum L. Aemilius Paulus Cos. & in Illyricum C. A-
nicius

nicius prætor contra Gentium. Sed Gentius, facile vno proelio victus, mox se dedit. Mater ejus, & vxor, & duo filii, frater quoque eius, simul in potestatem Romanorum venerunt. Ita bello intra XXX. dies perfecto, ante cognitum est Gentium esse victum, quam cœptum bellum nunciaretur.

CAP. IV.

Cum Perseo autem Æmilius Paulus Cos. III. Non. Septembris dimicavit, vicitque eum, XX. millibus pedum eius occisis. Equitatus cum rege fugit integer. Romanorum C. milites amissi sunt: vrbes Macedoniæ omnes, quas rex tenuerat, Romanis se dediderunt. Ipse rex, cum deleteretur ab amicis, venit in Pauli potestatem. Sed honorem ei Æmilius, non quasi victo, habuit: nam & volentem ad pedes sibi cadere non permisit, sed iuxta se in sella collocavit. Macedonibus & Thraciis hæc leges a Romanis datæ, *ut liberi essent & dimidium eorum tributum præstarent, quæ re-gibus præstiterant*: ut adpareret populum Rom. pro aequitate magis, quam avaritia,

D dimicare.

dimicare. Atque in conuentu finitimorum populorum Paulus hæc pronunciauit, & legationes multarum gentium, quæ ad eum venerant, magnificentissime conuiuio pa-uit, dicens: eiusdem hominis esse debere, & bello vincere, & convivii adparatu elegantem esse. Mox LXX. ciuitates Epiri, quæ rebellauerant, cepit: prædam militibus distribuit: Romam cum ingenti pompa rediit in naue Persei, quæ inusitatæ magnitudinis fuisse traditur, adeo vt XVI. ordines dicatur habuisse remorum. Triumphauit magnificentissime in curru aureo, cum duobus filiis, vtroque latere adstantibus. Ducti sunt ante currum duo regis filii, & ipse Perseus, XLV. annos natus. Post eum etiam C. Anicius de Jlyriis triumphauit. Gentius cum fratre & filiis ante currum ductus est. Ad hoc spectaculum multarum gentium reges Romam venerunt. Inter alios etiam venit Attalus, atque Eumenes, Asiæ reges: atque Prusias Bithyniæ. Magno honore accepti sunt; permittente senatu, donec, quæ attulerant, in Capitolio posuerunt. Prusias etiam filium suum Nicomedem senatui com-
men-

mendauit. Insequenti anno L. Memmius in Lusitania bene pugnavit: Marcellus postea consul res ibidem prospere gessit.

CAP. V.

TERTIVM deinde BELLVM contra CARTHAGINEM suscipitur, sexcentesimo & altero anno ab vrbe condita, L. Marlio Censorino, & M. Manilio Cos. anno LI. postquam secundum Punicum bellum transactum erat, Hi profecti Carthaginem oppugnaverunt. Contra eos Asdrubal, dux Carthaginensium, dimicabat. Famea, dux alius, equitatu præerat Carthaginensium. Scipio tunc, Scipionis Africani nepos, tribunus ibi militabat. Huius apud omnes ingens metus & reuerentia erat: nam & paratissimus ad dimicandum & consultissimus habebatur. Itaque per eum multa prospere a Cos. gesta sunt. Necquidquam magis vel Asdrubal, vel Famea vitabant, quam contra eam Romanorum partem committere, vbi Scipio dimicabat. Per idem tempus Masinissa, rex Numidarum, per annos sexaginta fere amicus populi Romani, anno vitæ xcvii. mortuus est, xlv. filiis relictis. Scipionem

D 2 divi.

divisorem regni inter filios esse iussit. Cum igitur clarum Scipionis nomen esset, iuuenis adhuc Cos. est factus & contra Carthaginem missus. Is eam cepit ac diruit. Spolia ibi inventa, quæ variarum ciuitatum excidiis Carthago collegerat: & ornamenta urbium ciuitatibus Sicilia, Italia, Africae reddidit, quæ sua recognoscebant. Ita Carthago septingentesimo anno, quam condita erat, deleta est. Scipio nomen, quod auus eius acceperat, meruit, scilicet ut propter virtutem etiam ipse Africanus iunior vocaretur.

CAP. VI.

Interim in Macedonia quidam Pseudophilippus arma movit, & Romanum prætorem, P. Iuencium, contra se missum, ad internecionem vicit. Post eum Q. Cæcilius Metellus dux a Romanis contra Pseudophilippum missus est, & xxv. millibus ex militibus eius occisis, Macedoniam recepit, ipsum etiam Pseudophilippum in potestatem suam redegit. Corinthiis quoque bellum indictum est, nobilissimæ Græciæ ciuitati, propter iniuriam legatorum Romanorum. Hanc Mummius cepit ac diruit.

Tres

Tres igitur Romæ simul celeberrimi triumphi fuerunt, Africani ex Africa, ante cuius currum ductus est Asdrubal, Metelli ex Macedonia, cuius currum præcessit Andriſcus, qui & Pſeudophilippus dicitur, Mummi ex Corintho, ante quem ſigna aenea, & pictæ tabulæ, & alia urbis clariffimæ ornamenta prælata ſunt.

CAP. VII.

Iterum in Macedonia Pſeudoperſeus, qui ſe Perſei filium eſſe dicebat, collectis ſeruis, rebellavit; & cum ſexdecim armatorum millia haberet, a Tremellio queſtore ſuperatus eſt. Eodem tempore Metellus in Celtiberia apud Hiſpanos res egregias geſſit. Succellit ei Q. Pompeius, nec multo poſt Q. quoque Cæpio ad idem bellum miſſus eſt. quod quidam Viriatus contra Romanos in Luſitania gerebat. Quo metu Viriatus a ſuis interfectus eſt, cum quatuordecim annis Hiſpanias adverſum Romanos moviſſet. Paſtor primo fuit, mox latronum dux, poſtremo tantos ad bellum populos concitavit, ut adſertor, contra Romanos, Hiſpaniæ putaretur. Cum interfectores e-
ius

ius præmium a Cæpione consule peterent, responsum est, *unquam Romanis placuisse, imperatorem a suis militibus interfici.*

CAP. VIII.

Q. Pompeius deinde consul a NUMANTINIS, quæ Hispaniæ ciuitas fuit opulentissima, superatus, pacem ignobilem fecit. Post eum C. Hostilius Mancinus Cos. iterum cum Numantinis pacem fecit infamem; quam populus & senatus iussit infringi, atque ipsum Mancinum hostibus tradi, ut in illo, quem auctorem foederis habebant, iniuriam soluti foederis vindicarent.

Post tantam igitur ignominiam, qua a Numantinis his Romani exercitus fuerant subiugati, P. Scipio Africanus, secundo consul factus, ad Numantiam missus est. Is primum militem vitiosum & ignavum, exercendo magis, quam puniendo, sine aliqua acerbitate correxit. Tum multas Hispaniæ ciuitates partim bello cepit, partim in deditionem accepit. Postremo ipsam Numantiam, diu obsessam, fame confecit, & a solo evertit: reliquam prouinciam in fidem accepit. Eo tempore
Attalus

Attalus rex Asiæ, frater Eumenis, mortuus est, heredemque populum Romanum reliquit. Ita imperio Romano per testamentum Asia accessit. Mox Decimus Junius Brutus de Gallæcis & Lusitanis triumphauit magna gloria, & P. Scipio Africanus de Numantinis secundum triumphum egit xiv. anno, postquam priorem de Africa egerat,

CAP. IX.

Motum interim in Asia bellum est ab ARISTONICO, Eumenis filio, qui ex concubina susceptus fuerat. Is Eumenes frater Attali fuerat. Adversus eum missus est Licinius Crassus, infinita regum habens auxilia. Nam & Bithyniæ rex Nicomedes Romanos iuuit: & Mithridates Ponticus, cum quo bellum postea grauissimum fuit: & Ariarathes Cappadox, & Pylæmenes Paphlagon. Victus est tamen Crassus, & in prælio interfectus. Caput Aristonico oblatum est: corpus Smyrnæ sepultum. Postea Perpenna consul Romanus, qui successor Crasso veniebat, audita belli fortuna, ad Asiam celeravit: & acie victum Aristonicum, apud Stratonicen ciuitatem, quo fugerat, fame

fame ad deditionem compulsi. Aristonicus iussu senatus Romæ in carcere strangu-
latus: triumphari de eo non poterat, quia
Perpenna apud Pergamum, Romam rediens,
diem obierat. L. Cecilio Metelio, & T.
Quinto Maminio Cos. Carthago in Africa
iussu senatus reparata est, quæ nunc manet;
annis duobus & viginti, postquam a Sci-
pione fuerat eversa. Deducti eo sunt ci-
ves Romani.

CAP. X.

Anno DCXXVII. ab vrbe condita, C. Cas-
sus Longinus, & Sex. Domitius Calvinus,
consules, GALLIS TRANSALPINIS bellum
impleverunt, & Aruernorum tunc nobilissimæ
ciuitati, atque eorum regi Bituito, infini-
tamque multitudinem iuxta Rhodanum flu-
vium interfecerunt: praeda ex torquibus
Gallorum ingens Romam perlata est. Bi-
tuitus se Domitio deditit, atque ab eo Ro-
mam ductus est, magnaue gloria consules
ambo triumphaverunt. M. Portio Catone
& Q. Martio Rege Cos. DCXXXIII. anno ab
vrbe condita, Narbonam in Gallia colonia
deducta est. Post a L. Metello, & Q. Mu-
cio

cio Scævola Cos. de Dalmatia triumphatum est. Abvrbe condita anno dcxxxv. C. Cato consul Scordiscis intulit bellum, ignominioseque pugnavit. C. Cæcilio Metello & Cn. Carbone Cos. duo Metelli fratres eodem die, alterum ex Sardinia, alterum ex Thracia triumphum egerunt; nunciatumque Romæ est, Cimbros e Gallia in Italiam transisse.

CAP. XI.

P. Scipione Nafica, & L. Calpurnio Bestia Cos. IUGURTHÆ, Numidarum regi, bellum illatum est, quod Adherbalem & Hiempsalem, Micipsæ filios, fratres suos, reges, & P. R. amicos interemisset. Missus aduersus eum Cos. Calpurnius Bestia, corruptus pecunia, pacem cum eo flagitiosissimam fecit, quæ a senatu reprobata est. Postea contra eundem, insequenti anno, Spurius Albinus Postumius profectus est. Is quoque per fratrem ignominiose contra Numidas pugnavit. Tertio missus Q. Cæcilius Metellus consul, exercitum ingenti severitate & moderatione correctum, cum nihil in quemquam cruentum faceret, ad disciplinam

plinam Romanam reduxit. Jugurtham variis proeliis vicit: elefantos eius occidit, vel cepit: multas ciuitates ipsius in dedicationem accepit. - Et cum iam bello finem positurus eisset, successum est ei a C. Mario. Is Jugurtham, & Bocchum, Maurithaniæ regem, qui auxilium Jugurthæ ferre cœperat, pariter superauit. Aliquot & ipse oppida Numidiæ cepit, belloque terminum posuit, capto Jugurtha per quæstorem suum Cornelium Syllam, ingentem virum; tradente Boccho Jugurtham, qui pro eo ante pugnauerat. A. M. Junio Syllano, collega Q. Metelli, Cimbri in Gallia, & a Minutio Rufo in Macedonia Sordisci & Triballi, & a Seruilio Cæpione in Hispania Lusitani victi sunt; & duo triumphi Jugurtha, primus per Metellum, secundus per Marium, acti sunt. Ante currum tamen Marii Jugurtha cum duobus filiis ductus est catenatus, et mox iussu consulis in carcere strangulatus.

LIBER QUINTVS.

CAP. I.

Dum bellum in Numidia contra Jugurtham geritur, Romani consules M. Manlius, & Q. Cæpio a Cimbris & Teutonibus, & Tigurinis, & Ambronibus, quæ erant Germanorum & Gallorum gentes, victi sunt iuxta flumen Rhodanum; &, ingenti interfectione attriti, etiam castra sua & magnam partem exercitus perdiderunt. Timor Romæ grandis fuit, quantus vix Annibalis tempore Punici belli, ne iterum Galli Romam redirent. Ergo Marius post victoriam Jugurthinam secundo Cos. est factus, bellumque ei contra Cimbro & Teutones decretum est. Tertio quoque ei & quarto delatus est consulatus; quia bellum Cimbricum protrahebatur. Sed quarto consulatu collegam habuit Q. Lutatium Catulum. Cum Cimbris itaque conflixit, & duobus præliis cc. millia hostium cæcidit, lxxx. millia cepit, & ducem eorum Teutobodum; propter

propter quod meritum absens quinto Cos. est factus. Interea Cimbri & Teutones, quorum copia adhuc infinita erat, ad Italiam transferunt. Iterum a C. Mario & Q. Catulo contra eos dimicatum est: sed a Catuli parte felicius. Nam proelio, quod simul ambo gesserunt, cxi. millia, aut in pugna, aut in fuga, caesi sunt; lx. millia capta. Romani milites ex utroque exercitu trecenti perierunt. Tria & triginta Cimbris signa sublata sunt. Ex his exercitus xxx. & vnam. Is belli finis fuit: triumphus utrique decretus est.

CAP. II.

Sex. Julio Cæsare, & L. Marcio Philippo Cos. sexcentesimo quinquagesimo nono anno ab vrbe condita, cum prope alia omnia bella cessarent, in Italia grauissimum bellum Picentes, Marfi, Pelignique mouerunt: qui, cum annis numerosis iam pop. Romano obedirent, tum libertatem sibi æquam adserere cœperunt. Perniciosum admodum hoc bellum fuit. P. Rutilius consul in eo occisus est, Cæpio nobilis iuuenis, & Porcius Cato, alius Cos. Duces autem aduersus

uerſus Romanos Picentibus & Marſis fuerunt, T. Vietius Hierius Aſinius, T. Herennius, A. Cluentius, a Romanis bene contra eos pugnatum eſt, a C. Mario, qui ſexies conſul fuerat, maxime tamen a L. Cornelio Sylla, qui inter alia egregia, ita Cluentium, hoſtium ducem, cum magnis copiis fudit, vt ex ſuis vnum amitteret. Quadriennio; cum graui tamen calamitate, hoc bellum tractum eſt. Quinto demum anno finem accepit per L. Cornelium Syllam conſulem, cum antea in eodem bello ipſe multa ſtrenue, ſed prætor, geſſiſſet.

CAP. III.

Anno Urbis conditæ DCLXII. primum Romæ bellum CIVILE commotum eſt, eodem anno etiam Mithridaticum. Cauſſam bello ciuili C. Marius ſexies Cos. dedit. Nam cum Sylla conſul, contra Mithridatem geſturus bellum, qui Aſiam & Achaiam occupauerat, mitteretur; iſque exercitum in Campania paullisper teneret, vt belli ſocialis, de quo diximus, quod intra Italiam geſtum fuerat, reliquiæ tollerentur; Marius adſectauit, vt ipſe ad bellum Mithridaticum mitteretur

mitteretur. Quare Sylla commotus, cum exercitu ad urbem venit: ille contra Marium & Sulpicium dimicauit. Primus urbem Romam armatus ingressus est, Sulpicium interfecit, Marium fugauit. Atque ita Cos. ordinatis in futurum annum, Cn. Octauio, & L. Cornelio Cinna, ad Asiam profectus est. Mithridates enim, qui Pontus rex erat, atque Armeniam minorem & totum Ponticum mare in circuitu cum Bosporo tenebat, primo Nicomedem, amicum populi Romani, Bithynia voluit expellere: senatuique mandauit, bellum se ei propter iniurias, quas passus fuerat, illaturum. A senatu responsum est Mithridati, si id faceret, quod & ipse bellum a Romanis pateretur. Qua ex re iratus Cappadociam statim occupauit, & ex ea Ariobarzanem, regem & amicum populi Romani, fugauit. Mox etiam Bithyniam inuasit, Paphlagoniam, pulsus ex ea regibus, amicis populi Romani, Pylamene & Nicomede. Inde Ephesum contendit, & per omnem Asiam litteras misit, ut, ubicunque inuenti essent ciues Romani, vno die occiderentur. Interea

rea etiam Athenæ, ciuitas Achaïæ, ab Aristone Atheniensi Mithridati tradita est. Miserat enim iam ad Achaiam Mithridates Archelaum ducem suum, cum centum & viginti millibus equitum ac peditum: per quem etiam reliqua Græcia occupata est.

CAP. IV.

Sylla Archelaum apud Piræum, non longe ab Athenis, obsedit, ipsamque urbem cepit, postea, commisso prælio contra Archelaum, ita eum vicit, ut ex cxx. millibus vix decem Archelao superessent, ex Syllæ exercitu xiv. tantum homines interficerentur. Hac pugna Mithridates cognita lxx. millia lectissima ex Asia Archelao misit, contra quem Sylla iterum commisit. Primo prælio viginti milia hostium interfecta sunt, filiusque Archelai Diogenes, secundo omnes Mithridatis copię extinctæ sunt. Archelaus ipse triduo nudus in paludibus latuit. Hac re audita Mithridates cum Sylla de pace agere cœpit. Interim eo tempore Sylla etiam Dardanos, Scordiscos, Dalmatas, & Mœsos partim vicit, alios in fidem accepit. Sed cum legati a rege

rege Mithridate, qui pacem patebant, venissent, non aliter daturum Sylla esse respondit, nisi rex, relictis his, quæ occupauerat, ad regnum suum rediret. Postea tamen ad colloquium ambo venerunt, pax inter eos ordinata est, ut Sylla, ad bellum civile festinans, a tergo periculum non haberet.

CAP. V.

Nam dum Sylla in Achaia atque Asia Mithridatem vincit, Marius, qui fugatus erat, & Cornelius Cinna, vnus ex consulibus, bellum in Italia repararunt, & ingressi urbem Romam, nobilissimos ex senatu & consulares viros interfecerunt; multos prescripserunt, ipsius Syllæ domo euersa filices & uxorem in fugam compulerunt, vniuersus reliquus senatus, ex vrbe fugiens, ad Syllam in Græciam venit, orans, ut patriæ subueniret. Ille in Italiam traiecit, bellum civile gesturus aduersus Norbanum & Scipionem Cos. Primo pralio contra Norbanum dimicauit non longe a Capua. Tum VI. millia eius cecidit, VI. millia cepit, cxxlv. suorum amisit. Inde etiam ad Scipionem

pionem se conuertit, & ante proelium sine sanguine in deditionem accepit. Sed cum Romæ mutati consules essent, & Marius, Marii filius, ac Papirius Carbo consulatum accepissent; Sylla contra Marium iuniorē dimicauit, & XV. millibus eius occisis cccc. de suis perdidit. Mox etiam urbem ingressus est. Marium, Marii filium, Prænetle persecutus, obsedit, & ad mortem compulit. Rursus pugnam grauissimam habuit contra Lamponium & Carinatem, duces partis Marianæ, ad portam Collinam. LXX. millia hostium in eo proelio contra Syllam fuisse dicuntur, XII. millia se Syllæ dediderunt: ceteri in acie, in castris, insatiabili ira victoris consumti sunt.


CAP. VI.

Cn. quoque Carbo, Cos. alter, ab Arimino ad Siciliam fugit, & ibi per Cn. Pompeium interfectus est: quem adolescentem Sylla annos vnum & XX natum, cognita eius industria, exercitibus præfecerat, ut secundus a Sylla haberetur. Occiso ergo Carbone Siciliam Pompeius recepit. Transgressus inde ad Africam, Domitium, Marianæ

E

rianæ

rianæ partis ducem, & Hierdam, regem Mauritanæ, qui Domitio auxilium ferebat, occidit. Post hæc Sylla de Mithridate ingenti gloria triumphauit. Cn. etiam Pompeius (quod) nulli Romanorum tributum erat) quartum & XX. annum agens, de Africa triumphauit. Hunc finem habuerunt duo bella funestissima: Italicum, quod & sociale dictum est; & ciuile, quæ ambo tracta sunt per annos decem. Consumserunt ultra cl. millia hominum, viros consulares xxiv, prætorios vii. ædilitios lx, senatores fere cc.



LIBER SEXTVS.

CAP. I.

Marco Æmilio Lepido, Q. Catulo consulibus, cum Sylla rempublicam composuisset, bella noua exarserunt: vnum in Hispania: aliud in Macedonia: tertium in Pamphilia & Cilicia; quartum, in Dalmatia

tia. Nam SERTORIUS, qui partium Marianarum fuerat, timens fortunam ceterorum, qui in eremi erant, ad bellum commouit Hispanias. Missi sunt contra eum duces Q. Cæcilius Metellus, filius eius, qui Iugurtham regem vicit; & L. Donatius prator: a Sertorio duce Hirtuleio Domitius occisus est. Metellus vario successu contra Sertorium dimicauit. Postea, cum impar pugnae solus putaretur, Cn. Pompeius ad Hispanias missus est. Ita duobus ducibus aduersis Sertorius fortuna varia sæpe pugnavit. Octavo demum anno a suis occisus est, & finis ei bello datus per Cn. Pompeium adolescentem, & Q. Metellum pium: atque omnes prope Hispaniæ in ditionem populi Rom. redactæ sunt.

CAP. II.

Ad Macedoniam missus est Appius Claudius post consulatum: leuia prælia habuit contra varias gentes, quæ Rhodopam provinciam incolebant, atque ibi morbo mortuus est. Missus ei successor C. Scribonius Curio post consulatum: is Dardanes vicit, & usque ad Danubium penetravit; triumphum.

phumque meruit, & intra triennium finem bello dedit.

CAP. III.

Ad Ciliciam & Pamphyliam missus est P. Servilius proconsule, vir strenuus. Is Ciliciam subegit, Lyciæ vrbes clarissimas oppugnauit, & cepit, in his Phaselidem, Olympum, Corycum Ciliciæ. Mauros quoque adgressus, in deditionem redegit, atque intra triennium bello finem dedit. Primus omnium Romanorum in Tauro iter fecit. Reuertens triumphum accepit, & nomen *Isaurici* meruit.

CAP. IV.

Ad Illyricum missus est Cn. Cosconius pro consule, multam partem Dalmatiæ subegit, Salonas cepit, &, composito bello, Romam post biennium rediit. Iisdem temporibus consul M. Æmilius Lepidus, Catuli collega, bellum ciuile voluit commouere, intra tamen vnâ aetate motus eius oppressus est. Ita vno tempore multi simul triumphum fuerunt, Metelli ex Hispania, Pompeii secundus ex Hispania, Curionis ex Macedonia, Seruili ex Isauria.

CAP.

CAP. V.

Anno Urbis conditæ DCLXXVI. L. Licinio Lucullo, & M. Aurelio Cotta Coss. mortuus est Nicomedes rex Bithyniæ, & testamento populum Romanum fecit heredem. Mithridates, pace rupta, Bithyniam & Asiam rursus voluit inuadere. Aduersus eum ambo consules missi variam habuere fortunam. Cotta apud Chalcedonem victus ab eo acie, etiam intra oppidum coactus est, & obsessus. Sed cum se inde Mithridates Cyzicum transfulisset, ut Cyzico capta totam Asiam inuaderet, Lucullus ei alter consul occurrit, ac dum Mithridates in obsidione Cyzici commoratur, ipse eum a tergo obsedit, fameque consumpsit, & præliis vicit. Postremo Byzantium (quæ nunc Constantinopolis est) fugauit, nauali quoque prælio duces eius Lucullus oppressit. Ita vna hieme & æstate a Lucullo centum fere millia regis extincta sunt.

CAP. VI.

Anno Urbis Romæ DCLXXIX. Macedonia provinciam M. Licinius Lucullus accepit, consobrinus eius, qui contra Mithridatem

thridatem bellum gerebat, Et in Italia novum bellum subito commotum est. Septuaginta enim quatuor gladiatores, ducibus Spartaco, Crixo & Oenomaio, effracto Capuæ ludo, effugerunt, & per Italiam vagantes, pene non leuius bellum in ea, quam Annibal, mouerunt. Nam multis ducibus, & duobus simul Romanorum consulibus victis, sexaginta fere millium armatorum exercitum congregauerunt, victique sunt in Apulia a M. Licinio Crasso proconsule; & post multas calamitates Italiæ, tertio anno, bello huius finis impositus.

CAP. VII.

Sexcentesimo octogesimo primo vrbs condita anno, P. Cornelio Lentulo, & Cn. Aufidio Oreste Coss. duotantum grauius bella in imperio Romano erant; Mithridaticum & Macedonicum. Hæc duo Luculli agebant, L. Lucullus, & M. Lucullus. L. ergo Lucullus post pugnam Cyzicenam, qua vicerat Mithridatem, & navalem, qua duces eius oppresserat, persecutus est eum, &, recepta Paphlagonia atque Bithynia, etiam regnum eius inuasit, Sinopen & Amisum

misum, ciuitates Ponti nobilissimas, cepit.
 Secundo proelio apud Cabira ciuitatem, quo
 ingentes copias ex omni regno adduxerat
 Mithridates, cum xxx. millia lectissima re-
 gis a quinque Romanorum millibus vastata
 essent, Mithridates fugatus, & castra eius
 direpta. Armenia quoque minor, quam te-
 nuerat, eidem sublata est. Susceptus ta-
 men est Mithridates post fugam a Tigrane
 Armeniæ rege, qui tum ingenti gloria im-
 perabat: Persas enim sæpe vicerat, Mesor-
 potamiam occupauerat, & Syriam, & Phœ-
 nices partem. Ergo Lucullus, repetens
 hostem fugatum, etiam regnum Tigranis,
 qui Armeniis imperabat, ingressus est. Ti-
 granocerta, ciuitatem Armeniæ nobilissi-
 mam, cepit, ipsum regem cum sexcentis mil-
 libus clibanariorum & centum millibus sa-
 gittariorum & armatorum venientem, XVIII.
 millia militum habens ita vicit, vt magnam
 partem Armeniorum deleuerit. Inde Nisi-
 bin profectus, eam quoque ciuitatem cum
 regis fratre cepit. Sed hi, quos in Ponto
 Lucullus reliquerat, cum exercitus parte,
 vt regiones victas etiam Romanorum tue-
 rentur,

rentur, negligenter se & auare agentes, occisionem iterum Mithridati in Pontum irrumpendi dederunt, atque ita bellum renouatum est. Lucullo paranti, capta Nisibi, contra Persas expeditionem, successor est missus,

CAP. VIII.

Alter Lucullus, qui Macedoniam administrabat, Bessis primus Romanorum intulit bellum, atque ees ingenti proelio in Pemo monte superauit. Oppidum Viscudamam, quod Bessi habitabant, eodem die, quo adgressus est, vicit, Cabylen cepit; vsque ad Danubium penetrauit. Inde multas supra Pontum positas ciuitates pergressus est. Illic Apolloniam euerit; Calatim, Parthenopolim, Thomas, Histum, Buzigonem cepit, belloque confecto Romam rediit, ambo tamen triumphauerunt; Lucullus, qui contra Mithridatem pugauerat, maiori gloria, cum tantorum regnorum victor redisset.

CAP. IX.

Confecto bello Macedonico, manente Mithridatico, quod, recedente Lucullo, rex collectis auxiliis reparauerat, bellum

CRE-

CRETICVM ortum est. Ad id missus Cæcilius Metellus ingentibus præliis intra triennium omnem provinciam cepit, adpellatusque est *Creticus*, atque ex insula triumphavit. Quo tempore Lybia quoque Romano imperio per testamentum Apionis, qui rex eius fuerat, accessit, in qua inclutæ ciuitates erant, Berenice, Ptolemais, & Cyrene.

CAP. X.

Dum hæc geruntur, PIRATÆ omnia maria infestabant, ita ut navigatio Romanis, toto orbe victoribus, sola ruta non esset. Quare iam bellum C. Pompeio decretum est; quod intra paucos menses, ingenti felicitate & celeritate, confecit. Mox ei delatum bellum etiam contra regem Mithridatem & Tigranem, quo suscepto Mithridatem in Armenia minore nocturno prælio vicit, castra dissipavit, quadraginta millibus eius occisis; viginti tantum de exercitu suo perdidit, & ducis centuriones. Mithridates cum vxore fugit, & duobus comitibus. Neque multo post, cum in suos seiret, Pharnacis filii sui apud milites seditione, ad mortem coactus venenum hausit. Hunc finem habuit Mithri-

Mithridates. Periit autem apud Bosphorum, vir ingentis industriæ consilique: regnavit annis sexaginta, vixit septuaginta duobus; contra Romanos bellum habuit annis quadraginta.

CAP. XI.

Tigrani deinde Pompeius bellum intulit. Ille se deditit, in castra Pompeii sexdecimo milliaro ab Artaxata venit, ac diadema suum, cum procubuisset ad genua Pompeii, in manibus eius collocavit, quod ei Pompeius reposuit, honorificeque eum habitum regni tamen parte multavit & grandi pecunia. Adempta est ei Syria, Phœnice, Sophene, sex millia præterea talentorum argenti, quæ populo Rom. daret, quia bellum sine causa Romanis commouisset. Pompeius mox etiam Albanis bellum intulit, & eorum regem Oroden ter vicit. Postremo per epistolas & munera rogatus veniam ei ac pacem dedit. Iberiæ quoque regem Artacen vicit acie, & in deditionem accepit; Armeniam minorem Deiotaro. Galatiæ regi, donavit, quia socius belli Mithridatici fuerat: Attalo & Pylameni Paphlagoniam reddidit,

dit, Aristarchum Colchis regem imposuit. Mox Ituraeos & Arabas vicit, & cum venisset in Syriam, Seleuciam, vicinam Antiochiaë civitatem, libertate donavit, quod regem Tigranem non receperet. Antiochenis obsides reddidit, aliquantum agrorum Deplensis dedit, quo locus ibi spatiosior fieret, delectatus amœnitate loci & aquarum abundantia. Inde ad Iudæam transgressus, Hierosolymam, caput gentis, tertio mense cepit, duodecim millibus Iudæorum occisis, ceteris in fidem acceptis. His gestis in Asiam se recepit, & finem antiquissimo bello dedit.

CAP. XII.

M. Tullio Cicerone oratore, & C. Antonio Cos. anno ab urbe condita DCLXXXIX. L. Sergius Catilina, nobilissimi generis vir, sed ingenii prauissimi, ad delendam patriam coniuravit cum quibusdam claris quidem sed audacibus viris. A Cicerone urbe expulsus est, socii eius deprehensi, in carcere strangulati sunt, ab Antonio altero consule Catilina ipse prælio victus est & interfectus.

CAP. XIII.

Sexcentesimo nonagesimo anno ab vrbe condita D. Junio Silano & L. Murena Cos. Metellus de Creta triumphauit; Pompeius de bello piratico & Mithridatico. Nulla vnquam pompa triumphi similior fuit. Ducti sunt ante eius currum filii Mithridatis, filius Tigranis, & Aristobulus rex Iudaorum, prælata ingens pecunia, auri atque argenti pondus infinitum. Hoc tempore nullum per orbem terrarum graue bellum erat.

CAP. XIV.

Anno vrbs conditæ dxciii. C. Julius Cæsar, qui postea imperauit, cum L. Bibulo consul est factus. Decreta est ei Gallia, & Jlyricum, cum legionibus decem. Is primo vicit Heluetios, qui nunc Sequani adpellantur. Deinde vincendo per bella grauisima vsque ad Oceanum Britannicum processit. Demuit autem annis nouem sese omnem Galliam, quæ inter Alpes, flumen Rhodanum, Rhenum & Oceanum est, circuitu patet ad bis tricies centena millia passuum. Britannis mox bellum intulit, quibus ante eum, ne nomen quidem Romanorum cognitum

cognitum erat: & eos quoque victos, obli-
dibus acceptis stipendarios fecit. Gallia
autem tributi nomine annum imperavit
sestertium quadringenties: Germanosque
trans Rhenum adgreus immanissimis præ-
liis vicit. inter tot successus ter male pu-
gnavit; apud Aruernos semel præsens, &
absens in Germania bis: nam legati eius
duo, Titurius & Aurunculeius, per insi-
dias cæsi sunt.

CAP. XV.

Circa eadem tempora, anno vrbs con-
ditæ rxcvii, M. Licinius Crassus, collega
Cn. Pompeii Magni in consulatu secundo,
contra Parthos missus est. Et cum circa
Carras contra omina & auspicia dimicasset,
a Surena, Orodis regis duce, victus, ad po-
stremum interfectus est cum filio, clarissimo
& præstantissimo iuvene. Reliquiæ exer-
citus per C. Cassium quæstorem servatæ sunt:
qui singulari animo perditas res & tanta
virtute restituit, vt Persas, rediens, trans Eu-
phratem crebris præliis vinceret.

CAP. XVI.

Hinc iam bellum ciuile successit ex-
crandum & lacrymabile; quo præter ca-
lamitates, quæ in præliis acciderunt, etiam
Romani nominis fortuna mutata est. Cæsar
enim, rediens e Gallia victor, cœpit posce-
re alterum consulatum: atque cum sine du-
bietate aliqui deferrent, contradietum est a
Marcello Cos. a Bibulo, a Pompeio, a Ca-
tone, iussusque dimissis exercitibus ad vr-
bem redire. Propter quam iniuriam ab A-
rimino, vbi milites congregatos habebat, ad-
uersum patriam cum exercitu venit. Con-
sules cum Pompeio, senatusque omnis, atque
vniuersa nobilitas ex vrbe fugit, & in Græ-
ciam transiit: apud Epirum, Macedoniam,
Achaïam, Pompeio duce, contra Cæsarem
bellum parauit. Cæsar vacuam urbem in-
gressus, dictatorem se fecit. Inde Hispa-
nias petiit. ibi Pompeii exercitus validis-
simos & fortissimos cum tribus ducibus, L.
Afranio, M. Petreio, M. Varrone, supera-
uit. Inde regrediens, in Græciam transiit,
aduersum Pompeium dimicauit. Primo præ-
lio victus & fugatus: euasit tamen, quia no-
cte

ste interueniente Pompeius sequi noluit:
 dixitque Cæsar, *nec Pompeium scire vincere,
 & illo tantum die se potuisse superari.* De-
 inde in Thessalia apud Palæophasalum,
 productis vtrunque ingentibus copiis, dimi-
 cauerunt. Pompeii acies habuit XL. millia
 peditum, equitum, in sinistro cornu XII.
 millia, in dextro quingentos: Præterea to-
 tius Orientis auxilia, totamque nobilitatem,
 innumeros senatores, prætorios, consulares,
 & qui magnorum iam populorum victores
 fuissent. Cæsar in acie sua habuit pedi-
 tum non integra XXX. millia, equites mille.
 Nunquam adhuc Romanæ copię in vnum,
 neque maiores, neque melioribus ducibus,
 convenerant, totum terrarum orbem facile
 subacturæ, si contra barbaros ducerentur.
 Pugnatum tamen est ingenti contentione,
 victusque ad postremum Pompeius, & ca-
 stra eius direpta sunt. Ipse fugatus, Alex-
 andriam petiit, vt a rege Ægypti, cui tu-
 tor a senatu datus fuerat propter iuueni-
 lem eius ætatem, acciperet auxilia: qui,
 fortunam magis quam amicitiam secutus, oc-
 cidit Pompeium, caput eius & anulum Cæ-
 sari

fari misit. Quo conspecto Cæsar etiam lacrymas fuisse dicitur, tanti viri intuens caput, & generi quondam sui.

CAP. XVII.

Mox Cæsar Alexandriam venit; ipsi quoque Ptolemaus parare voluit insidias; qua de causa regi bellum illatum est. Victus in Nilo perit, inventumque est corpus eius cum lorica aurea. Cæsar Alexandria potitus regnum Cleopatram dedit, Ptolemæi sorori, cum qua consuetudinem stupri habuerat. Rediens inde Cæsar Pharnacem, Mithridatis Magni filium, qui Pompeio in auxilium apud Thessaliam fuerat, rebellantem in Ponto, & multas populi Romani provincias occupantem, vicit acie, postea ad mortem coegit.

CAP. XVIII.

Inde Romam regressus, tertio se consullem fecit cum M. Anulio Lepido, qui ei dictatori magister equitum ante annum fuerat. Inde in Africam profectus est, ubi infinita nobilitas cum Iuba, Mauritanie rege, bellum reparauerat. Duces autem Romani erant P. Cornelius Scipio, ex genere
anti-

antiquissimo Scipionis Africani, hic etiam
 focer Pompeii fuerat) M. Petreius, Q. Var-
 ro, M. Porcius Cato, L. Cornelius Faustus,
 Syllæ dictatoris filius. Commisso prælio
 post multas dimicationes victor fuit Cæsar.
 Cato, Scipio, Petreius, Iuba, ipsi se occi-
 derunt, Faustus, Syllæ quondam dictato-
 ris filius, Pompeii gener, a Cæsare inter-
 fectus est.


CAP. XIX.

Post annum Cæsar Romam regressus
 quarto se consulē fecit, & statim ad Hi-
 spanias est profectus, vbi Pompeii filii,
 Cneus & Sextus, ingens bellum reparaue-
 rant. Multa prælia fuerunt; vltimum a-
 pud Mundam ciuitatem, in quo adeo Cæ-
 sar pene victus est, vt, fugientibus suis, se
 voluerit occidere, ne post tantam rei mi-
 litaris gloriam, in potestatem adolescentium
 natus annos sex & quinquaginta, veniret.
 Denique reparatis suis vicit, & Pompeii
 filius maior occisus est, minor fugit.

CAP. XX.

Inde Cæsar bellis ciuilibus toto orbe
 compositis Romam rediit, agere insolentius
 F cœpit

cepit, & contra consuetudinem Romanæ libertatis. Cum ergo & honores ex suauoluntate præstaret, qui a populo antea deferebantur, nec senatui ad se venienti adsurgeret, aliaque regia ac pene tyrannica faceret, coniuratum est in eum a LX. vel amplius senatoribus equitibusque Romanis. Præcipui fuerunt inter coniuratos duo Brutus, ex eius genere Brutus, qui primus Romæ consul fuerat & reges expulerat, C. Cassius & Seruilius Casca. Ergo Cæsar, cum senatus die inter ceteros venisset ad curiam, XXIII vulneribus confossus est.



LIBER SEPTIMVS.

CAP. I.

Anno Urbis septingentesimo fere ac nono, interfecto Cæsare bella ciuilia reparata sunt. Percussoribus enim Cæsaris senatus fauebat. Antonius consul, partium Cæsaris, ciuili bello opprimere eos conabatur. Ergo, turbata republica, multa Antonius

tonius scelera committens, a senatu hostis indicatus est. Missi ad eum persequendum duo Cos. Pansa & Hirtius, & Octavianus adolescens, annos X. & VIII. natus, Iulii Caesaris nepos, quem ille testamento heredem reliquerat, & nomen suum ferre iusserat. Hic est, qui postea Augustus est dictus & rerum potitus. Quare profecti contra Antonium tres duces vicerunt eum. Euenit tamen, ut victores Cos. ambo morerentur. Quare tres exercitus vni Caesari paruerunt. Fugatus Antonius, amisso exercitu, confugit ad Lepidum, qui Caesari magister equitum fuerat, & tum copias militum grandes habebat, a quo susceptus est. Mox, Lepido operam dante, Caesar cum Antonio pacem fecit, & quasi vindicaturus patris sui mortem, a quo per testamentum fuerat adoptatus, Romam cum exercitu profectus est, extorsitque, ut sibi xx. anno consulatus daretur. Senatum proseripxit, cum Antonio & Lepido, & rem publicam armis tenere coepit. Per hos etiam Cicero orator occisus est, multique alii nobiles.

CAP. II.

Interea Brutus, Cassius, interfectores Cæsaris, ingens bellum mouerunt, erant enim per Macedoniam & Orientem multi exercitus, quos occupauerunt. Profecti igitur contra eos Cæsar Octavianus Augustus & M. Antonius, (remanerat enim ad defendendam Italiam Lepidus,) apud Philippos Macedoniæ urbem, contra eos pugnaverunt. Primo prælio victi sunt Antonius & Cæsar, perijt tamen dux nobilitatis Cassius, secundo Brutus, & infinita nobilitas, quæ cum illis bellum gesserat. Ac sic inter eos diuisa est res publica, vt Augustus Hispanias, Gallias, Italiam teneret, Antonius Asiam, Pontum, Orientem. Sed intra Italiam L. Antonius Cos. bellum ciuile commouit, frater eius, qui cum Cæsare contra Brutum & Cassium dimicauerat. Is apud Perusiam, Tusciæ ciuitatem, victus & captus est, neque tamen occisus.

CAP. III.

Interim a Sex. Pompeio Cn. Pompeii Magni filio, ingens bellum in Sicilia commotum est, his, qui superfuerant ex partibus

bus Bruti Cassique, ad eum confluentibus. Bellatum per Calarem Augustum Octavianum, & M. Antonium adversus Sex. Pompeium: pax postremo convenit. Eo tempore M. Agrippa in Aquitania rem prospere gessit, & L. Ventidius Bassus irrumperentes in Syriam Persas tribus præliis vicit. Pacorum, regis Orodes filium, interfecit eo ipso die, quo olim Orodes, Persarum rex, per ducem Surenam, Crassum occiderat. Hic primus de Parthis iustissimum triumphum Romæ egit. Interim Pompeius pacem rupit, & navali prælio victus, fugiens ad Asiam, interfectus est.

CAP. IV.

Antonius, qui Asiam & Orientem tenebat, repudiata sorore Caesaris Augusti Octaviani, Cleopatram, reginam Ægypti, duxit uxorem. Contra Persas ipse etiam pugnavit: primis eos præliis vicit: regrediens tamen fame & pestilentia laboravit. Et cum instarent Parthi fugienti, ipsis pro victoria cessit. Hic quoque ingens bellum civile commovit, cogente uxore Cleopatra, regina Ægypti, cum cupiditate muliebri optat

tat etiam in vrbe regnare. Vicitus est ab Augusto nauali pugna clara & illustri apud Actium, qui locus in Epiro est; ex qua fugit in Ægyptum: & desperatis rebus, cum omnes ad Augustum transfirent, ipse se interemit: Cleopatra sibi aspidem admisit, & veneno eius extincta est. Ægyptus per Octavianum Augustum imperio Romano adiecta est, præpositusque ei Cn. Cornelius Gallus. Hunc primum Ægyptus Romanum iudicem habuit. Ita bellis toto orbe confectis, OCTAVIANVS AVGVSTVS Romam redit, XII. anno, quam Cos. fuerat. Ex eo rempub. per quadraginta & quatuor annos solus obtinuit. Ante enim XII. annis cum Antonino & Lepido eam tenuerat. Ita ab initio principatus eius vsque ad finem LVI. anni fuere.

CAP. V.

Obiit autem LXXVI. anno, morte communi, in oppido Campaniæ Atella. Romæ in campo Martio sepultus est, vir, qui non immerito ex maxima parte deo similis est putatus. Neque enim facile vllus eo, aut in bello felicior fuit, aut in pace moderatior;

XLIV. annis, quibus solus gessit imperium, ciuillissime vixit, in cunctos liberalissimus, in amicos fidissimus, quos tantis euexit honoribus, vt pene aquaret fastigio suo. Nullo tempore res Romana magis floruit. Nam, exceptis ciuilibus bellis, in quibus inuictus fuit, Romano adiecit imperio Ægyptum, Cantabriam, Dalmatiam, sæpe ante victam, sed penitus tunc subactam; Pannoniam, Aquitaniam, Illyricum, Rhatiam, Vindelicos, & Salassos in Alpibus; omnes Ponti maritimas ciuitates: in his nobilissimas Bosporum & Panticapæon. Vicit autem præliis Dacos; Germanorum ingentes copias cæcidit; ipsos quoque trans Albim fluiuium submouit, qui in barbarico solo longe ultra Rhenum est. Hoc tamen bellum per Drusum priuignum suum administravit; sicut per Tiberium, priuignum alterum, Pannonicum. Quo bello cccc. millia captiuorum ex Germania transtulit, & supra ripam Rheni in Gallia collocauit. Armeniam a Parthis recepit: obsides, quod nulli contigit antea, Persæ ei dederunt: reddiderunt etiam signa Romana, quæ Crasso victo ademerant. Scythæ

thæ & Indi, quibus antea Romanorum nomen incognitum fuerat, munera & legatos ad eum miserunt. Galatia quoque sub hoc prouincia facta est, cum antea regnum fuisset, primusque eam M. Lollius pro præ-tore administravit. Tanto autem amore etiam apud barbaros fuit, ut reges, populi Romani amici, in honorem eius conderent ciuitates, quas Casareas nominarent, sicut in Mauritania a rege Iuba: & in Palæstina, quæ nunc vrbs est clarissima. Multi autem reges ex regnis suis venerunt, ut ei obsequerentur, & habitu Romano, togati scilicet, ad vehiculum vel equum ipsius currerunt. Moriens diuus adpellatus est. Rempublicam beatissimam Tiberio successori reliquit, qui priuignus ei, mox gener, postremo adoptione filius fuerat.

CAP. VI.

TIBERIVS ingenti socordia imperium gessit, graui crudelitate, scelestâ avaritiâ, turpi libidine. Nam nusquam ipse pugnavit: bella per legatos suos gessit: quosdam reges, per blanditiâs ad se euocatos, nunquam remisit: in his Archelaum Cappadocem

cem, cuius etiam regnum in prouincia formam redegit, & maximam ciuitatem adpellari ex nomine suo iussit, quæ Cæsarea dicitur; cum Mazaca antea vocaretur. Hic tertio & vicesimo imperii anno, ætatis septuagesimo octauo, ingenti omnium gaudio mortuus est in Campania.

CAP. VII.

Successit ei CAIVS CÆSAR, cognomento CALIGULA, Drusi prinigni Augusti & ipsius Tiberii nepos: sceleratissimus ac funestissimus, & qui etiam Tiberii dedecora purgauerit. Bellum contra Germanos suscepit; & ingressus Batariam, nihil strenue fecit. Stupra sororibus intulit: ex vna etiam natam filiam cognouit. Cum aduersum cunctos ingenti auaritia, libidine, crudelitate sauiet, interfectus in palatio est, anno ætatis suæ XXIX. imperii III. mense X. dieque IIX.

CAP. VIII.

Post hunc CLAVDIVS fuit; patruus Caligulæ, Drusi, qui apud Mogontiacum monumentum habet, filius: cuius & Caligula nepos erat. Hic medie imperauit, multa ge-

rens

rens tranquille atque moderate, quædam crudeliter atque insulse. Britannia bellum intulit, quum nullus Romanorum post Caium Cæsarem attigerat, eaque deuicta per Cn. Sentium, & A. Plautium, illustres & nobiles viros, triumphum celebrem egit. quasdam insulas etiam ultra Britanniam in Oceano positas Romano imperio addidit, quæ adpellantur Orcades, filioque suo Britannici nomen imposuit. Tam ciuilis autem erga quosdam amicos exstitit, vt etiam Plautium, nobilem virum, qui in expeditione Britannica multa egregie fecerat, triumphantem ipse prosequeretur, &, conscendente eo Capitolium, læuus incederet. Is vixit annos IV. & LX. imperauit XIV. post mortem consecratus est, diuusque adpellatus.

CAP. IX.

Successit huic NERO, Caligulae auunculo suo simillimus, qui imperium Romanum & deformauit & diminuit, inusitatae luxuriae, summuumque, vt qui exemplo Caii Caligulae calidis & frigidis se lauaret vnguentis; retibus aureis piscaretur, quæ blatticis

teis funibus extrahebat. Infinitam partem senatus interfecit, bonis omnibus hostis fuit. Ad postremum se tanto dedecore prostituit, ut saltaret & cantaret in scena, citharædico habitu vel tragico. Parricidia multa commisit, fratre, vxore, matre interfectis. Urbem Romam incendit, ut spectaculi eius imaginem cerneret, quali olim Troia capta arserat. In re militari nihil omnino ausus Britanniam pene amisit. Nam duo sub hoc nobilissima oppida capta illic atque euerfa sunt. Armeniam Parthi sustulerunt, legionesque Romanas sub iugum miserunt. Duæ tamen prouinciæ sub eo factæ sunt, Pontus Polemoniacus, concedente rege Polemone, & alpes Cottie, Cottio rege defuncto. Propter hæc Romanæ vrbi execrabilis ab omnibus simul destitutus, & a senatu hostis iudicatus, cum quæreretur ad pœnam, (quæ pœna erat talis, ut nudus per publicum ductus furca capiti eius inserta, virgis vsque ad mortem caderetur, atque ita præcipitaretur de saxo) e palatio fugit, & in suburbano se liberti sui, quod inter Salariam & Nomentanam viam ad quartum
vrbis

urbis milliarium, interfecit. *Ædificauit Romæ thermas, quæ ante Neronianæ dictæ; nunc Alexandrinæ adpellantur. Obiit tricesimo & altero ætatis anno, imperii quarto decimo, atque in eo omnis familia Augusti consumta est.*

CAP. X.

Huic *Seruius GALBA* successit, antiquissimæ nobilitatis senator, cum septuagesimum & tertium annum ageret ætatis, ab Hispanis & Gallis imperator electus; mox ab vniverſo exercitu libenter acceptus. Nam priuata eius vita insignis fuerat militaribus & ciuilibus rebus; sæpe consul, sæpe proconsule, frequenter dux in grauissimis bellis. Huius breue imperium fuit, & quod bona haberet exordia, nisi ad seueritatem propensior videretur. Insidiis tamen *Othonis* occisus est, imperii mense septimo; iugulatus in foro Romæ, sepultusque in hortis suis, qui sunt *Aurelia* via non longe ab vrbe Roma.

CAP. XI.

OTHO, occiso Galba, inuasit imperium, paterno genere nobilior quam materno, neu-

neutro tamen obscuro. In priuata vita mol-
lis at Neronis familiaris: in imperio do-
cumentum sui non potuit ostendere. Nam
cum iisdem temporibus, quibus Otho Gal-
bam occiderat, etiam Vitellius factus esset
a Germanicianis exercitibus imperator, bel-
lo contra eum suscepto, cum apud Bebria-
cum in Italia leui praelio victus esset, in-
gentes tamen copias ad bellum haberet, sponte
semetipsum occidit: petentibus militibus,
ne tara cito de belli desperaret euentu,
cum tanti se non esse dixisset, vt propter
eum ciuile bellum commoueretur, volun-
taria morte obiit, tricesimo octauo ætatis
anno, nonagesimo & quinto imperii die.

CAP. XII.

Dein VITELIUS imperio potitus est,
ortus familia honorata magis quam nobi-
li. Nam pater eius, non admodum clare
natus, tres tamen ordinarios gesserat con-
sulatus. Hic cum multo dedecore impera-
uit, & graui sauitia notabilis, præcipue in-
gluue, & voracitate: quippe cum de die sæ-
pe quarto, vel quinto ferebatur epulatus. No-
tissima certe coena memoriæ mandata est,
quam

quam ei Vitellius frater exhibuit; in qua super ceteros sumtus duo millia piscium, septem autem millia adposita traduntur. Hic cum Neroni similis esse vellet, atque id adeo præ se ferret, ut etiam reliquias Neronis, quæ humiliter sepultæ fuerant, honoraret; a Vespasiani ducibus occisus est, interfecto prius Sabino, Vespasiani imperatoris fratre, quem cum Capitolio incendit. Interfectus autem, & magno dedecore tractus per urbem Romam publice, nudus, erecta coma & capite, subiecto ad mentum gladio, stercore in vultum & petus ab omnibus obuiis adpetitus, postremo iugulatus, & in Tiberim deiectus, etiam communi caruit sepultura. Periit autem ætatis anno septimo & quinquagesimo, imperii mense VIII. & die vno.

CAP. XIII.

Vespasianus huic successit, factus apud Palæstinam imperator: princeps obscure quidem natus, sed opibus comparandus. priuata vita illustris, ut qui a Claudio in Germaniam, deinde in Britanniam missus, tricies & bis cum hoste conflixerit; quas validissimas

validissimas gentes, XX. oppida, insulam Ve-
tam, Britanniae proximam, imperio Ro-
mano adiecerit. Romae se in imperio mo-
deratissime gessit: pecuniae avidior fuit, ita
tamen, ut eam nulli iniuste auferret: quam
cum omni diligentiae provisione colligeret,
tamen studiosissime largiebatur, praecipue
indigentibus, nec facile ante eum cuiusquam
principis vel maior est liberalitas comperta
vel iustior. Placidissimae bonitatis erat, ut
qui maiestatis quoque contra se reos non
facile puniret ultra exilii poenam. Sub hoc
Iudaea Romano accessit imperio; & Hiero-
solyma, quae fuit urbs clarissima Palaestinae.
Achaia, Lycia, Rhodum, Byzantium, Sa-
mum, quae liberae ante hoc tempus fuerant;
item Thraciam, Ciliciam, Commagenen,
quae sub regibus amicis erant, in provin-
ciarum formam redegit. Offensarum & ini-
micitarum immemor fuit. Coniugia a
causidicis & philosophis in se dicta leniter
tulit: diligens tamen coercitor disciplinae
militaris. Hic cum Tito filio de Hieroso-
lymis triumphavit. Per haec cum senatui
& populo, postremo cunctis, amabilis ac
iucundus

iucundus esset, profluviū ventris exstinctus est in villa propria, circa Scabinos, annum ætatis agens sexagesimum nonum, imperii nonum, & diem septimum, atque inter duos relatus est. Genituram filiorum ita cognitam habuit, vt, cum multæ contra eum coniurationes fierent, quas patefactis ingenti dissimulatione contempsit, in senatu dixerit, *aut filios sibi successuros, aut neminem.*

CAP. XIV.


Huic TITVS filius successit, qui & ipse Vespasianus est dictus, vir omnium virtutum genere mirabilis, adeo, vt amor & *delicta humani generis* diceretur. Facundissimus, bellicosissimus, moderatissimus. Causas latine egit; poemata & tragedias græce composuit. In oppugnatione Hierosolymorum sub patre militans, XII. propugnatores, XII. sagittarum ictibus confixit. Romæ tantæ ciuitatis in imperio fuit, vt nullum omnino puniret; conuictos aduersum sese coniurationis ita dimiserit, vt in eadem familiaritate, qua antea, habuerit. Facilitatis tantæ fuit & liberalitatis, vt nulli quidquam negaret, & cum reprehenderetur, respondit,

respondit, *nullum tristem debere ab Imperatore discedere*, præter ea, cum quadam die in cœna recordatus fuisset, nihil se illo die cuiquam præstitisse, dixit: *amici, hodie diem perdidit*. Hic Romæ Amphitheatrum ædificauit & quinque millia ferarum in dedicatione eius occidit. Per hæc inusitato favore dilectus, morbo periit in ea, qua pater, villa, post biennium, menses octo, dies XX. quam Imperator erat factus, ætatis anno altero & quadragesimo. Tantus luctus eo mortuo publicus fuit, ut omnes tanquam in propria doluerint orbitate. Senatus, obitu ipsius circa vespertinam nuntiato, nocte irrupit in curiam, & tantas ei mortuo laudes gratiasque congeffit, quantas ne viuo vnquam egerat, nec præsentis. Inter diuos relatus est.

CAP. XV.

DOMITIANVS mox accepit imperium, frater iunior; Neroni, aut. Caligulæ aut Tiberio similior, quam patri vel fratri suo. Primis tamen annis moderatus in imperio fuit; mox ad ingentia vitia progressus, libidinis, iracundiæ, crudelitatis, auaritiæ

ritiæ, tantum in se odium concitauit, vt merita & patris & fratris aboleret. Interfecit nobilissimos ex senatu: dominum se & deum primus adpellari iussit: nullam sibi nisi auream & argenteam statuam in Capitolio poni passus est: consobrinos suos interfecit: superbia quoque in eo execrabilis fuit. Expeditiones quatuor habuit: vnam aduersus Sarmatas; alteram aduersus Cattsos, duas aduersum Dacos. De Dacis Cattsque duplicem triumphum egit: de Sarmatis solam lauream vsurpauit. Multas tamen calamitates iisdem bellis passus est. Nam in Sarmatia legio eius cum duce interfecta, & à Dacis Ap. Sabinus consularis, & Cornelius Fuscus, præfectus prætorio, cum magnis exercitibus occisi sunt. Romæ quoque multa opera fecit: in his Capitolium, forum transitorium, odeum, porticus, Iseum, Serapeum, ac stadium. Verum cum ob scelera vniuersis exosus esse cœpisset, interfectus est suorum coniuratione in palatio anno atatis XLV. imperii quinto decimo. Funus eius ingenti dedecore per vespillones exportatum & ignobiliter est sepultum.



LIBER OCTAVVS.

CAP. II.

Anno octingentesimo & quinquagesimo ab vrbe condita, Vetere & Valente consulibus, respublica ad prosperrimum statum rediit, bonis principibus ingenti felicitate commissa. Domitiano enim, exitiali tyranno, NERVA succcessit: vir in priuata moderatus & strenuus; nobilitatis mediæ, qui senex admodum, operam dante Petro- nio secundo, præfecto prætorio; item Par- thenio, interfectore Domitiani, Imperator factus, æquissimum se & civilissimum præ- buit. Reip. diuina prouisione consuluit, Traianum adoptando. Mortuus est Romæ post annum & quatuor menses imperii sui, ac dies octo: ætatis septuagesimo & altero anno; atque inter diuos relatus est.

CAP. II.

Succcessit ei VLPIVS TRAIANVS CRI- NITVS, natus Italicæ in Hispania, fami-
G 2 lia

lia non antiqua magis quam clara; nam pater eius primum Cos. fuit; Imperator autem apud Agrippinam in Galliis factus est. Remp. ita administravi, ut omnibus principibus merito praeferatur. Inusitatae civilitatis & fortitudinis fuit. Romani imperii, quod post Augustum defensum magis fuerat quam nobiliter ampliatum, fines longe lateque diffudit: vrbes trans Rhenum in Germania reparavit. Daciam, Decibalo victo, subegit, provincia trans Danubium facta in his agris, quos nunc Taiphali habent, & Victophali & Theruingi. Ea provincia decies centena millia in circuitu tenet. Armeniam, quam occupauerant Parthi, recepit, Parthamasite occiso, qui eam tenebat. Albanis regem dedit. Iberorum regem, & Sauromatarum, & Bosporanorum, & Arabum, & Osdroenorum, & Colchorum, in fidem accepit. Carduenos, Marcomedos occupavit: & Anthemusium, magnam Persidis regionem, Seleuciam & Ctesiphontem, Babylonem & Edeffios vicit ac tenuit: usque ad Indiae fines & mare rubrum accessit, atque ibi tres provincias fecit

cit, Armeniam, Assyriam Mesopotamiam, cum his gentibus, quæ Madenam attingunt. Arabiam postea in provinciæ formam redegit, in mari rubro classem instituit, ut per eam India fines vastaret. Gloriam tamen militarem ciuilitate & moderatione superauit, Romæ & per provincias æqualem se omnibus exhibens, amicos saluandi causa frequentans, vel agrotantes; vel, cum festos dies habuissent, conuiuia cum iisdem indiscreta vicissim habens, sæpe in vehiculis eorum sedens, nullum senatorum lædens, nihil iniustum ad augendum fiscum agens, liberalis in cunctos, publice priuatimque ditans omnes, & honoribus augens, quos vel mediocri familiaritate cognouisset, orbem terrarum ædificans, multas immunitates ciuitatibus tribuens: nihil non tranquillum & placidum agens, adeo, ut omni ejus ætate vnus senator damnatus sit; atque is tamen per senatum, ignorante Traiano. Ob hoc per orbem terrarum deo proximus, nihil non venerationis meruit & viuus & mortuus. Inter alia dicta hoc ipsius fertur egregium: amicis enim culpantibus, quod nimis

nimis circa omnes communis esset, respondit, *Talem se imperatorem esse priuatis, quales esse sibi imperatores priuatus optasset.* Post ingentem igitur gloriam, belli domique quæsitam, e Perside rediens, apud Seleuciam /Isauriæ profluuium ventris extinctus est. Obiit autem ætatis anno LXIII. mense nono, & die quarto, imperii anno XIX. mense VI. die XV. Inter diuos relatus est, solusque omnium intra urbem sepultus. Ossa ejus collocata in urna aurea in foro, quod ædificauit, sub columna sita sunt, cuius altitudo CXLIV. pedes habet. Huius tantum memoriæ delatum est, ut vsque ad nostram ætatem non aliter in senatu principibus acclametur, nisi FELICIOR AVGVSTO, MELIOR TRAIANO. Adeo in eo gloria bonitatis obtinuit, ut vel adfentantibus, vel vere laudantibus occasionem magnificentissimi præstet exempli.

CAP. III.

Defuncto Traiano, ÆLIVS ADRIANVS creatus est princeps; sine aliquâ quidem voluntate Traiani, sed operam dante Plotina Traiani vxore, nam eum Traianus, quan-

quanquam consobrinæ filium, viuens noluerat adoptare. Natus & ipse Italica in Hispania; qui Traiani gloriæ inuidens statim prouincias tres reliquit, quas Traianus addiderat; & de Assyria, Mesopotamia, & Armenia reuocauit exercitus, ac finem imperii esse voluit Euphratem. Idem de Dacia facere conatum amici deterruerunt, ne multi ciues Romani barbaris traderentur; propterea quod Traianus, victa Dacia, ex toto orbe Romano infinitas eo copias hominum transtulerat; ad agros & vrbes colendas. Daciæ enim, diuturno bello Decibali, res fuerant exhaustæ. Pacem tamen omni tempore imperii sui habuit, semel tantum per Præsidem dimicauit, orbem Romanum circumiuit, & multa ædificauit. Facundissimus Latino sermone, Græco eruditissimus fuit, non magnam clementiæ gloriā habuit; diligentissimus tamen circa ærarium & militum disciplinam. Obiit in Campania, maior sexagenario, imperii anno XXI, mensē X. die XXIX. Senatus ei tribuere noluit diuinos honores, tamen cum successor ipsius Titus Aurelius Fuluius Antoninus

toninus hoc vehementer exigeret, & vniuersi
senatores palam resisterent, tandem obtinuit.

CAP. IV.

Ergo Adriano successit T. ANTONINVS
FVLVIVS BOIONIVS, idem etiam PIVS
nominatus; genere claro, sed non admo-
dum vetere; vir insignis, & qui merito Nu-
mæ Pompilio conferatur, ita vt Romulo Tra-
ianus æquetur. Vixit ingenti honestate pri-
uatus; maiori in imperio, nulli acerbus,
cunctis benignus, in re militari moderata
gloria, defendere magis provincias quam
amplificare studens, viros æquissimos ad
administrandam rempublicam quærens, bo-
nis honorem habens, improbos sine aliqua
acerbitate detestans, regibus amicis venera-
bilis non minus quam terribilis, adeo vt
barbarorum plurimæ nationes, depositis ar-
mis, ad eum controuersias suas litesque de-
ferrent, sententiaque eius parerent. Hic,
ante imperium ditissimus, opes quidem
omnes suas stipendiis militum & circa a-
micos liberalitatibus minuit; verum æ-
rarium opulentum reliquit. PIVS propter
clementiam dictus est, obiit apud Lorium,
villam

villam suam, milliario ab vrbe XII. vitæ
anno LXXIII. imperii XXIII. atque inter di-
uos relatus est & merito consecratus,

CAP. V.

Post hunc imperauit MARCVS AN-
TONINVS VERVS, haud dubie nobilissi-
mus, quippe cum eius origo paterna a Nu-
ma Pompilio, materna a Salentino rege
penderet, & cum eo L. ANNIVS ANTO-
NINVS VERVS, tumque primum Romanæ
respublica ductus, æquo iure imperium
adminiſtrantibus, paruit, cum vsque ad e-
os singulos semper habuisset Augustos. Hi
& genere inter se coniuncti fuerunt & ad-
finitate, nam Verus Annius Antoninus M.
Antonini filiam in matrimonium habuit,
M. autem Antoninus gener Antonini Pii fuit
per vxorem Galeriam Faustinam iuniorem
consobrinam suam. Hi bellum contra Par-
thos gesserunt, qui post victoriam Traiani
tum primum rebellauerant. Verus Anto-
ninus ad id profectus est, qui, Antiochiæ
& circa Armeniam agens, multa per duces
& ingentia patrauit, Seleuciam, Assyriæ
urbem nobilissimam, cum quadraginta mil-
libus

libus hominum, cepit, Parthicum triumphum reuexit, cum fratre eodemque socero triumphauit. Obiit tamen in Venetia, cum a Concordia ciuitate Altinum profisceretur, & cum fratre in vehiculo sederet, subito sanguine ictus, casu morbi, quem Græci ἀπόπληξιν vocant. Vir ingenii parum ciuilib; reuerentia tamen fratris nihil vnquam atrox ausus. Cum obiisset vndecimo imperii anno, inter deos relatus est.

CAP. VI.

Post eum MARCVS ANTONINVS solus rempub. tenuit; quem mirari facilius quis quam laudare possit. Principio vitæ tranquillissimus, adeo, vt ex infantia quoque vultum nec ex gaudio nec ab mœrore mutaret. Philosophiæ deditus Stoicæ, ipse etiam non solum vitæ moribus, sed etiam eruditione philosophus, tantæ admirationis adhuc iuuenis, vt eum successorem parauerit Adrianus relinquere, adoptato tamen Antonino Pio, generum esse ei idcirco voluerit, vt hoc ordine ad imperium perueniret. Institutus est ad philosophiam per Appollonium Calcedonium; ad scientiam litterarum Græcarum

Græcarum per Sextum Chæronensem Plutarchi nepotem. Latinas autem litteras, cum Fronto, orator nobilissimus, docuit. Hic cum omnibus Romæ æquo iure egit, ad nullam insolentiam elatus imperii fastigio, liberalitatis promptissima, prouincias ingenti benignitate & moderatione tractauit. Contra Germanos eo principe res feliciter gestæ sunt. Bellum ipse vnum gessit Marcomannicum; sed quantum nulla memoria fuit, adeo, vt Punicis conferatur. nam eo grauius est factum, quod vniuersi exercitus Romani perierant, sub hoc enim tantus casus pestilentia fuit, vt post victoriam Persicam, Romæ ac per Italiani prouinciasque, maxima hominum pars, militum omnes fere copiae, languore defecerint. Ingenti ergo labore & moderatione, cum apud Carnuntum iugi triennio perseuerasset, bellum Marcomannicum confecit; quod dum Quadi, Vandali, Sarmatae, Sueui, atque omnis barbaria commouerat: multa hominum milia interfecit, ac, Pannoniis seruitio liberatis, Romæ rursus cum Commodo Antonino, filio suo, quem iam Cæsarem fecerat, triumphauit.

phauit. Ad huius belli sumtum, cum, ærario exhausto, largitiones nullas haberet, neque indicere prouincialibus aut senatui aliquid vellet; instrumentum regii cultus, facta in foro diui Traiani sectione, distraxit: vasa aurea, pocula crystallina & murrhina, vxoriam ac suam sericam ac auream vestem, multa ornamenta gemmarum; ac per duos continuos menses venditio habita est, multumque auri redactum. Post victoriam tamen emtoribus pretia restituit, qui reddere comparata voluerunt: molestus nulli fuit, qui maluit semel emta retinere. Hic permisit viris clarioribus, vt conuiuia eodem cultu, quo ipse, & ministris similibus, exhiberent. In editione munerum post victoriam adeo magnificus fuit, vt centum simul leones exhibuisse tradatur.

CAP. VII.

Cum igitur fortunatam rempublicam & virtute & mansuetudine reddidisset, obijt XIX. imperii anno, vitæ LXI. & omnibus certatim adnitentibus, inter diuos relictus est. Huius successor L. ANTONINVS COMMODVS nihil paternum habuit; nisi quod

quod contra Germanos feliciter & ipse pugnavit. Septembrem mensem ad nomen suum transferre conatus est. ut Commodus diceretur. Sed luxuria & obscenitate depravatus, gladiatoriiis armis sæpissime in ludo, deinceps etiam in Amphitheatro, cum huiusmodi hominibus sæpe dimicavit. Obiit morte subita adeo, ut strangulatus vel veneno interfectus putaretur: cum annis XII. post patrem & II. mensibus imperasset; tanta execratione omnium, ut hostis humani generis etiam mortuus iudicaretur.

CAP. VIII.

Huic successit PERTINAX, grandævus iam, & qui septuagenariam attigisset ætatem, præfecturam urbis tum agens, ex S.C. imperare iussus. Octogesimo imperii die, prætorianorum militum seditione, & Juliani scelere, occisus est.

CAP. IX.

Post eum SALVIVS IVLIANVS rempub. inuasit, vir nobilis & iure peritissimus; nepos Salvi Juliani, qui sub diuo Adriano *perpetuum* composuit *ed.Æum.* Victus a Severo apud Mulvium pontem, interfectus
in

in palatio. vixit mensibus septem, postquam
cœperat imperare.

CAP. X.

Hinc imperii summam administratio-
nem SEPTIMVS SEVERVS accepit, oriundus
ex Africa, prouincia Tripolitana; oppido
Lepti. Solus omni memoria & ante & po-
stea ex Africa imperator fuit. Hic primum
fisci aduocatus, mox militaris tribunus, per
multa deinde ac varia officia atque hono-
res usque ad administrationem totius reipub.
peruenit. Pertinacem se adpellari voluit,
in honorem eius Pertinacis, qui a Iuliano
fuerat occisus. Parcus admodum fuit, na-
tura sæuus; bella multa & feliciter gessit.
Pescennium Nigrum, qui in Ægypto & Sy-
ria rebellauerat, apud Cyzicum interfecit.
Parthos vicit, Arabas eo vsque superauit,
vt etiam prouinciam ibi faceret. Idcirco
Parthicus & Arabicus dictus est. Multa toto
Romano orbe reparauit. Sub eo etiam Clo-
dius Albinus, qui in occidendo Pertinace so-
cius fuerat Iuliano, Cæsarem se in Gallia
fecit, victusque apud Lugdunum est & in-
terfectus. Seuerus autem præter bellicam
gloriam

gloriam, etiam civilibus studiis clarus fuit & litteris doctus, philosophiæ scientiam ad plenum adeptus. Nouissimum bellum in Britannia habuit, utque receptas provincias omni securitate muniret, vallum per XXII. millia passuum a mari ad mare deduxit. Decessit Eboraci admodum senex, imperii anno sexto decimo, mense tertio, & diuus adpellatus est. nam filios duos successores reliquit, Bassianum & Getam, sed Bassiano Antonini nomen a senatu voluit imponi. itaque dictus est M. Aurelius Antoninus Bassianus, patrique successit. nam Geta hostis publicus iudicatus confestim periit.

CAP. XI.

MARCUS igitur AURELIUS ANTONINUS BASSIANUS, idemque CARACALLA, morum fere paternorum fuit; paulo asperior, & minax. Opus Romæ egregium fecit, la-uacra, quæ thermæ Antoninianæ adpellantur; nihil præterea memorabile. Impatientis libidinis; ut qui nouercam suam Iuliam uxorem duxerit. Defunctus est in Osdroene apud Edeffam, moliens aduersum Parthos expeditionem, anno imperii VI. mense

menſe II. vix egreſſus ætatis XLIII. annum, funere publico elatus eſt.

CAP. XII.

OPILIVS deinde MACRINVS, qui præfeſtus prætorio erat, cum filio DIADVMENO facti imperatores, nihil memorabile ex temporis breuitate, geſſerunt. Nam imperium eorum duorum menſium, & vnus anni fuit. Seditione militari ambo pariter occiſi ſunt.

CAP. XIII.

Creatus eſt poſt hos M. AVRELIVS ANTONINVS. Hic Antonini Caracallæ filius putabatur: ſacerdos autem Heliogabali templi erat. Is cum Romam ingenti & militum & ſenatus exſpectatione veniſſet, probris ſe omnibus contaminauit. Impudiciſſime & obſceniffime vixit, biennioque poſt & II. X. menſibus tumultu interfectus eſt militari, & cum eo mater Sæmia Syra.

CAP. XIV.

Succellit huic AVRELIVS ALEXANDER; ab exercitu Cæſar, a ſenatu Auguſtus nominatus, iuuenis admodum, ſuſceptoque aduerſus Perſas bello, Xerxem eorum regem glorioſiſſime vicit. Militarem diſciplinam ſeueriſſime

seuerissime rexit; quasdam tumultuantes legiones integras exauctoravit. Adseſſorem habuit, vel ſcriniorum magiſtrum, Vlpianum, iuris conditorem. Romæ quoque fauorabilis fuit. Perijt in Gallia, militari tumultu, tertio decimo imperij anno, & die IIX. in matrem ſuam Mammæam vnice pius.



LIBER NONVS.

CAP. I.

Post hunc MAXIMINVS ex corpore militari primus ad imperium acceſſit ſolæ militum voluntate, cum nulla ſenatus interceſſiſſet auctoritas, neque ipſe ſenator eſſet. Is, bello aduerſus Germanos feliciter geſto, cum a militibus eſſet imperator adpellatus, a Pupieno Aquileia occiſus eſt, deferentibus eum militibus ſuis, cum filio adhuc puero, cum quo imperauerat triennio & paucis diebus.

CAP. II.

Postea tres ſimul Auguſti fuerunt, PVIPIENVS; BALBINVS, & GORDIANVS. duo
H ſuperio-

superiores obscurissimo genere, Gordianus; nobili, quippe cuius pater senior Gordianus, consensu militum, cum proconsulatum Africæ gereret, Maximino imperante, princeps fuisset electus. Itaque cum Romam venissent Balbinus & Pupienus, in palatio interfecti sunt; soli Gordiano imperium reservatum. Gordianus admodum puer, cum Tranquillinam Romæ duxisset uxorem, Ianum geminum aperuit, & ad Orientem profectus, Parthis bellum intulit, qui iam moliebantur erumpere, quod quidem feliciter gessit, præliisque ingentibus Persas adflixit. Rediens haud longe a Romanis finibus interfectus est fraude Philippi, qui post eum imperavit. Miles ei tumulum vicesimo milliario a Circesio, quod castrum nunc Romanorum est. Euphrati imminens, adificavit; reliquias Romam reuexit; ipsum Iuvium adpellavit.

CAP. III.

PHILIPPI duo, filius ac pater, Gordianum occiso, imperium inuaserunt, atque exitu incolumi reducto, ad Italiam e Syria profecti sunt. His imperantibus militemus.

simus annus Romæ vrhis ingenti ludorum adparatu spectaculorumque celebratus est. Ambo deinde ab exercitu interfecti sunt, senior Philippus Veronæ, Romæ iunior. Annis quinque imperauerunt, inter diuos tamen relati sunt.

CAP. IV.

Post hos DECIVS e Pannonia inferiore Budaliæ natus, imperium sumsit. Bellum ciuile, quod in Gallia motum fuerat, oppressit, filium suum Cæsarem fecit, Romæ lauacrum ædificauit. Cum biennio ipse & filius eius imperassent, vterque in solo barbarico interfecti sunt, & inter diuos relati.

CAP. V.

Mox imperatores creati sunt GALLVS HOSTILIANVS, & Galli filius VOLVSIVS. Sub his Æmilianus in Mœsia res nouas molitus est, ad quem opprimendum cum ambo profecti essent, Interamnæ interfecti sunt, nondum completo biennio. Nihil omnino clarum gesserunt. Sola pestilentia, & morbis, atque agritudinibus notus eorum principatus fuit. ÆMILIANVS obscurissime na-

tus, obscurius imperavit, ac tertio mense extinctus est.

CAP. VI.

Hinc LICINIVS VALERIANVS, in Rhætia & Norico agens, ab exercitu imperator, & mox Augustus est factus. GALLIENVS quoque Romæ a senatu Cæsar est adpellatus. Horum imperium Romano nomini perniciosum & pene exitiabile fuit, vel infelicitate principum vel ignavia. Germani Rauennam vsque venerunt. Valerianus, in Mesopotamia bellum gerens, a Sapore Persarum rege superatus est, mox etiam captus, apud Pharthos ignobili seruitute consenuit. Gallienus, cum adolescens factus esset Augustus, imperium primum feliciter, mox commode, ad vltimum perniciose gessit. Nam iuuenis in Gallia & Illyrico multa strenue fecit, occiso apud Murfam Ingenio, qui purpuram sumserat, & Trebelliano. Diu placidus & quietus, mox in omnem lasciuiam dissolutus, tenendæ reipublicæ habenas probrosa ignavia & desperatione laxauit. Alamanii, vastatis Galliis, in Italiam irruerunt. Dacia, quæ a Traiano vltra Danubium

bium fuerat adiecta, amissa est. Græcia, Macedonia, Pontus, Asia, vastata per Gothos. Pannonia a Sarmatis Quadisque popujata est. Germani vsque ad Hispanias penetrauerunt, & ciuitatem nobilem Tarraconem expugnauerunt. Parthi, Mesopotamia occupata, Syriam sibi ceperunt vindicare.

CAP. VII.

Tum, iam desperatis rebus, & deletopene imperio Romano, Postumius in Gallia, obscurissime natus, purpuram sumsit, & per annos decem ita imperauit, vt consumtas pene prouincias ingenti virtute & moderatione reparauerit: qui seditione militum interfectus est, quod Mogontiacum, quia aduersum eum rebellauerat, Lolliano res nouas moliente, diripiendam militibus tradere noluiſſet. Post eum Marius, vilissimus opifex, purpuram accepit, & secundo die interfectus est. Victorinus postea Galliciarum accepit imperium, vir strenuissimus. Sed cum nimie libidinis esset, & matrimonia aliena corrumperet, Agrippinae occisus est, actuario quodam machinante do-

lum

lum, imperii sui anno secundo. Huic successit Tetricus senator, qui, Aquitaniam honore præsidis administrans, absens, a militibus imperator electus est, & apud Burdegalam purpuram sumsit: seditiones multas militum pertulit. Sed dum hæc in Gallia geruntur, in Oriente per Odenatum Persæ victi sunt: defensa Syria, recepta Mesopotamia, usque ad Ctesiphontem Odenatus penetravit. Ita Gallieno rempublicam deferente, Romanum imperium in Occidente per Postumium, per Odenatum in Oriente servatum est.

CAP. VIII.

Gallienus interea, fraude Aureoli ducis sui, Mediolani cum fratre Valeriano occisus est, imperii anno nono: CLAUDIVS-que ei successit, a militibus electus, a senatu adpellatus Augustus. Hic Gothos, Illyricum Macedoniamque vastantes, ingenti prælio vicit. Parcus vir ac modestus, & iusti tenax, & reipublicæ gerendæ idoneus: qui tamen intra imperii biennium morbo interiit, & diuus adpellatus est. Senatus ingenti eum honore decoravit, scilicet ut in curia

curia clypeus ipsi aureus, item in Capitolio statua aurea, poneretur. QVINTILLVS post eum, Claudii frater consensu militum imperator electus est, vir unicæ moderationis & ciuilitatis, aquindus fratri vel præponendus. Consensu senatus adpellatus Agullus, septimo decimo die imperii occisus est.

CAP. IX.

Post eum AVRELIANVS suscepit imperium, Dacia Ripensi oriundus: vir in bello potens, animi tamen immodici, & ad crudelitatem propensioris, quique Gothos strenuissime vicit. Romanam diuisionem ad fines pristinos varia bellorum felicitate reuocauit. Superauit in Gallia Tetricum, apud Catalaunos; ipso Tetrico prodente exercitum suum, cuius assiduas seditiones ferre non poterat. Quin etiam per litteras occultas Aurelianum ita fuerat deprecatus, vt inter alia versu Virgiliano vteretur:

Eripe me his inuictis malis.

Zenobiam quoque, quæ, occiso Odenato marito, Orientem terebat, haud longe ab Antiochia sine graui proelio cepit. Ingessu-
que

que Romam, nobilem triumphum, quasi receptor Orientis Occidentisque, egit, currum precedentibus Terrico & Zenobia, qui quidem Tetricus corrector Lucaniæ postea fuit, ac priuatus diutissime vixit. Zenobia autem posteros, qui adhuc manent, Romæ reliquit. Hoc imperante etiam monetarii in vrbe rebellauerunt, vitiatis pecuniis. & Felicissimo rationali interfecto: quos Aurelianus victos vltima crudelitate compescuit, plurimos nobiles capite damnauit, saeuus & sanguinarius magis in quibusdam, quam in vilo amabilis imperator. trux omni tempore, etiam filii sororis interfector, disciplinæ tamen militaris, & morum dissolutorum magna ex parte corrector. Urbem Romam muris firmioribus cinxit, templum Soli ædificauit, in quo infinitum auri gemmarumque pondus constituit. Prouinciam Daciam, quam Traianus vltra Danubium fecerat, intermisit, vastato omni Illyrico, & Mœsia, desperans eam posse retineri, abductosque Romanos ex vrbibus & agris Daciæ in media Mœsia collocauit, & est in dextera Danubio in mare fluenti, cum an-

tea fuerit in laeva. Occiditur serui sui fraude, qui ad quosdam militares viros, amicos ipsius, nomina pertulit adnotata falso, manum eius imitatus, tanquam Aurelianus ipsos pararet occidere. Itaque ut praeveniretur, ab iisdem interfectus est in itineris medio, quod inter Constantinopolim & Heracleam est stratae veteris, locus Cœnophrurium adpellatur. Mors tamen eius inulta non fuit. Meruit quoque inter diuos referri. Imperavit annos quinque, menses VI.

CAP. X.

TACITVS post hunc suscepit imperium, vir egregie moratus & reipublicae gerendae idoneus. Nihil tamen clarum potuit ostendere, intra sextum mensem imperii morte praeventus. FLORIANVS, qui Tacito successerat, duobus mensibus, & diebus XX, in imperio fuit; neque quidquam dignum memoria egit.

CAP. XI.

Post hunc PROBVS, vir illustris gloria militari, ad administrationem reipublicae accessit. Gallias a barbaris occupatas ingenti praecellorum felicitate restituit. Quosdam

dam imperium usurpare conatos, scilicet Saturnium in Oriente, Proculum & Bonosum Agrippinæ, certaminibus oppressit. Vineas Gallos & Pannonios habere permisit. Opere militari Almus montem apud Mæssiam superiorem vineis consecuit, & provincialibus colendas dedit. Hic, cum bella innumera gessisset, pace parata dixit, breui milites necessarios non futuros. Vir acer, strenuus, iustus, & qui Aurelianum æquaret gloria militari, morum autem ciuilitate superaret. interfectus est tamen Syrmii, tumultu militari, in turri ferrata. Imperauit annos VI. menses quatuor.

CAP. XII.

Post hunc CARVS est factus Augustus, Narbonæ natus in Gallia, qui confestim Carinum & Numerianum filios, Cæsares fecit, cum quibus regnauit duobus annis. Sed dum bellum aduersum Sarmatas gerit, nuntiato Persarum tumultu ad Orientem profectus, res contra Persas nobiles gessit, ipsos prælio fudit. Cochen & Ctesiphontem, vrbes nobilissimas, cepit. Et cum castra supra Tigridem haberet, ictu diuini fulminis periit.

periit. NUMERIANVS quoque filius eius, quem secum ad Persus duxerat, adolescens egregie indolis, cum oculorum dolore correptus lecticula veheretur, impulsore Apro, qui socius eius erat, per insidias occisus est, & cum dolo occultaretur ipsius mors, quousque Aper invadere posset imperium, sceleris cadaueris prodita est. Milites enim, qui eum sequebantur, foetore commoti, diductis lecticulæ palliis, post aliquot dies mortem eius notam habere potuerunt. Interea CARINVS, quem Cæsarem in Parthos proficiscens Carus in Illyrico, Gallia, Italia reliquerat, omnibus se sceleribus coinquinavit, plurimos innoxios fictis criminibus occidit, matrimonia nobilia corripit. Condiscipulis quoque, qui eum in auditorio vel levi fatigatione taxauerant, perniciosus fuit. Ob quæ omnibus inuisus, non multo post poenas dedit.

CAP. XIII.

Nam de Perside victa exercitus rediens, cum Carum Augustum fulmine, Numerianum Cæsarem insidiis perdidisset, DIO-CLETIANVM imperatorem creavit, Dalmatia

matia oriundum, virum obscurissime natum, adeo, ut a plerisque scribæ filius, a nonnullis Anulini senatoris libertinus fuisse credatur. Is prima militum concione iuravit, Numerianum nullo suo dolo interfectum, & cum iuxta eum Aper, qui Numeriano insidias fecerat, constitisset, in conspectu exercitus, manu Diocletiani, gladio percussus est. Postea Carinum omnium odio & detestatione viventem, apud Margum ingenti proelio vicit, proditum ab exercitu suo, quem fortiores habebat; certe desertum, inter Viminacium atque Aureum montem. Ita rerum Romanarum potitus, cum tumultum rusticani in Gallia concitassent, & factioni suæ Bagaudarum nomen imponerent, duces autem haberent Amandum & Flianum; ad subigendos eos Maximianum Herculum Casarem misit, qui leuibus proeliis agrestes domuit, & pacem Galliæ, reformauit. Per hæc tempora etiam Carausius, qui, vilissime natus, in strenuæ militiæ ordine famam egregiam fuerat consecutus, cum apud Bononiam per tractum Belgicæ & Armoricæ pacandum mare accepisset, quod Franci &

&

& Saxones infestabant, multis barbaris sæpe captis, nec præda integra aut prouincialibus reddita aut imperatoribus missa: cum suspicio esse crepisset, consulto ab eo admitti barbaros, vt transeuntes cum præda exciperet, atque hac se occasione diceret; a Maximiano iussus occidi, purpuram sumsit, & Britannias occupauit.

CAP. XIV.

Ita cum per orbem terrarum res turbata essent, & Carausius in Britannis rebellaret, Achilleus in Ægypto, Africam Quinquegentiani inuestarent, Narseus Orienti bellum inferret; Diocletianus MAXIMIANVM HERCVLIVM ex Cæsare fecit Augustum; Constantium & Maximinianum Cæsares. Quorum Constantius per filiam nepos Claudii traditur: Galerius Maximianus in Dacia haud longe a Sardica natus, atque vt eos etiam adfinitate coniungeret, Constantius priuignam Herculi Theodoram accepit, ex qua postea sex liberos, Constantini fratres, habuit: Galerius filiam Diocletiani Veleriam, ambo vxores, quas habuerant, repudiare compulsi. Cum Carausio

rausio tamen, cum bella frustra tentata essent, contra virum rei militaris peritissimum, ad postremum pax convenit. Eum post septennium Allectus, socius eius, occidit, atque ipse post eum Britannias triennio tenuit. qui ductu Asclepiodoti, præfecti pratorio, est oppressus. Ita Britannia decimo anno recepta.

CAP. XV.

Per idem tempus a Constantio Cæsare in Gallia pugnatum est circa Lingones: die vna aduersam & secundam fortunam expertus est. Nam cum, repente barbaris ingruentibus, intra ciuitatem esset coactus tam præcipiti necessitate, vt clausis portis in murum funibus tolleretur; vix quinque horis mediis, aduentante exercitu, sexaginta fere millia Alamanorum cecidit. Maximianus quoque Augustus bellum in Africa profligauit, domitis Quingegentianis & ad pacem redactis. Diocletianus obsellum Alexandria Achilleum octauo fere mense superauit, eumque interfecit. Victoria acerbè vsus est, totam Ægyptum grauibz proscriptionibus cadibusque foedauit. Et
tamen

tamen occasione ordinavit provide multa,
 & disposuit, quæ ad nostram ætatem inueniunt.
 Galerius Maximianus primo aduersus Nar-
 seum aduersum proelium habuit; inter Cal-
 linicum Carrasque congressus, cum incon-
 sulte magis quam ignaue dimicasset, admo-
 dum enim parua manu cum copiosissimo
 hoste commisit. Pulsus igitur, & ad Di-
 ocletianum profectus, cum ei in itinere oc-
 currisset, tanta insolentia a Diocletiano fer-
 tur exceptus, vt per aliquot passuum mil-
 lia purpuratus tradatur ad vehiculum cu-
 currisse. Mox tamen per Illyricum Mœ-
 siamque contractis copiis, rursus cum Nar-
 seo, Ormisdæ & Saporis auo, in Armenia
 maiori pugnavit successu ingenti, nec mi-
 nore consilio, simulque fortitudine, quip-
 pe qui etiam speculatoris munus cum altero
 ac tertio equite suscepit. Pulso Narseo ca-
 stra eius diripuit, vxores, sorores, cepit, in-
 finitam extrinsecus Persarum nobilitatem, ga-
 zam Persicam copiosissimam, ipsum in vl-
 timas regni solitudines coëgit. Quare a Di-
 ocletiano, in Mesopotamia cum præsidiis
 tum morante, ouans regressus, ingenti ho-
 nore

nore susceptus est. Varia deinceps & simul & viritum bella gesserunt, Carpis & Balster-
nis subactis, Sarmatis victis, quarum nationum ingentes captiuorum copias in Romanis finibus locauerunt.

CAP. XVI.

Diocletianus moratus callide fuit, sagax præterea, & admodum subtilis ingenio, & qui seueritatem suam aliena inuidia vellet explere; diligentissimus tamen, & solertissimus princeps, & qui imperio Romano primus regiae consuetudinis formam magis, quam Romanae libertatis, inuexit, adorari que se iussit, cum ante eum cuncti salutarerentur: ornamenta gemmarum vestibus calceamentisque indidit. Nam prius imperii insigne in chlamyde purpurea tantum erat; reliqua communia. Herculus autem propalam ferus, & inciuilis ingenii, asperitatem suam etiam vultus horrore significans. Hic, naturæ suæ indulgens, Diocletiano in omnibus, etiam seuerioribus consiliis, obsecutus est. Cum tamen ingrauescente æuo parum se idoneum Diocletianus moderando impe-
rio

io esse sentiret, auctor Herculio fuit, ut in pri-
 atam vitam concederent, & stationem tuendæ
 reipublicæ viridioribus junioribusque mandarent.
 Cui ægre collega obtemperavit, tamen uterque
 una die privato habitu imperii insigne mutavit,
 Nicomediæ Diocletianus, Herculus Mediolani,
 post triumphum inclutum, quem Romæ ex nu-
 merosis gentibus egerant, pompa ferculorum il-
 lustræ, qua Narsei conjuges sororesque & liberi
 ante currum ducti sunt. Concesserunt tunc Salo-
 nas unus, alter in Lucaniam. Diocletianus, pri-
 vatus in villa, quæ haud procul a Salonis est,
 rælaro otio senuit: inusitata virtute usus, ut so-
 is omnium post conditum Romanum imperium
 tanto fastigio sponte ad privatæ vitæ statum ci-
 tatemque remaneret. Contigit igitur ei, quod
 li post natos homines, ut cum privatus obis-
 inter divos tamen referretur.

LIBER DECIMVS.

CAPVT I.

His igitur abeuntibus ab administratione reipu-
 blicæ, CONSTANTIVS & GALERIVS augu-
 sti creati sunt: divisusque inter eos ita Romanus
 orbis, ut Galliam, Italiam, Africam, Constan-
 tius: Illyricum, Asiam, Orientem Galerius obti-
 neret, sumtis duobus cæsaribus. Constantius ta-
 men, contentus dignitate augusti, Italiæ atque
 Africæ administrandæ sollicitudinem recusavit: vir
 I egre.

egregius & præstantissimæ civilitatis, divitiis provincialium ac privatorum studens, fisci commoda non admodum adfectans: ducensque *melius, publicas opes a privatis haberi, quam intra unum claustrum reservari.* Adeo autem cultus modici, ut feriatibus diebus, si cum amicis numerosioribus esset epulandum, privatorum argento osiatim petito triclinia sternerentur. Hic non modo amabilis, sed etiam venerabilis Gallis fuit: præcipue quod Diocletiani suspectam prudentiam, & Maximiliani sanguinariam temeritatem imperio ejus evaserant. Obiit in Britannia Eboraci, principatus anno tertio decimo, atque inter divos relatus est.

CAPVT II.

Galerius vir & probe moratus, & egregius in re militari, cum Italiâ quoque, finente Constantio, administrationi suæ accessisse sentiret, cæsares duos creavit, MAXIMINVM, quem orienti præfecit; & SEVERVM, cui Italiam dedit: ipse in Illyrico commoratus est. Verum Constantio mortuo, CONSTANTINVS, ex obscuriori matrimonio ejus filius, in Britannia creatus est imperator, & in locum patris exoptatissimus moderator accessit. Romæ interea prætoriani, excitato tumultu, MAXENTIVM Herculi filium, qui haut procul ab urbe in villa publica morabatur, augustum occupaverunt. Quo nuntio Maximianus Herculeus ad spem erectus resumendi fastigii, quod invitus amiserat, Romam advolavit e Lucania, quam sedem privatus elegerat.

rat, in agris amoenissimis consenescebat: Diocletianumque etiam per litteras adhortatus est, ut depositam resumeret potestatem: quas ille irritas habuit. Sed adversum motum prætorianorum atque Maxentii, Severus cæsar Romam missus a Galerio, cum exercitu venit: obsidensque urbem, militum suorum scelere desertus est. Auctæ Maxentio opes, confirmatumque imperium. Severus fugiens Ravennæ interfectus est. Herculius tamen Maximianus post hæc in concione exercitus filium Maxentium denudare conatus, seditionem & convicia militum tulit. Inde ad Gallias profectus est, dolo compolito, tanquam a filio esset expulsus, ut Constantino genero jungeretur: moliens tamen Constantinum reperta occasione interficere, qui in Gallis & militum & provinciarum ingenti jam favore regnabat, cæsis Francis atque Alamannis, captisque eorum regibus, quos etiam bestiis, cum magnificum spectaculum muneris parasset, objecit. Detectis igitur insidiis per Faustam filiam, quæ dolum viro enuntiaverat, profugit Herculius, Massiliæque oppressus (ex ea etenim navigare ad filium præparabat) pœnas dedis justissimo exitu: vir ad omnem asperitatem sævitiamque proclivus, infidus, incommodus, civilitatis penitus expertus.

CAPUT III.

Per hoc tempus a Galerio LICINIVS imperator est factus, Dacia oriundus, notus ei antiqua consuetudine, & in bello, quod adversus

Narfeum gesserat, strenuis laboribus & officiis acceptus: mors Galerii confestim secuta est. Respublica tum ab his quatuor imperatoribus tenebatur, Constantino & Maxentio, filiis Augustorum, Licinio & Maximino, novis hominibus. Quinto tamen Constantinus imperii sui anno bellum adversum Maxentium civile commovit; copias ejus multis praeliis fudit: ipsum postremo Romæ adversum nobiles omnibus exitiis sævientem, apud pontem Mulvium vicit, Italiaque est potitus. Non multo deinceps in oriente quoque adversus Licinium Maximinus res novas molitus, vicinum exitium fortuita apud Tarsum morte prævenit.

CAPUT IV.

CONSTANTINVS tamen vir ingens, & omnia efficere nitens, quæ animo præparasset, simul principatum totius orbis adfectans. Licinio bellum intulit; quamvis necessitudo & affinitas cum eo esset: nam soror Constantia nupta Licinio erat. Ac primo eum in Pannonia, ingenti apparatu bellum apud Cibalas instruentem repentinus oppressit, omnique Dardania, Mœsia, Macedonia potitus, numerosas provinciâs occupavit. Varia deinceps inter eos bella, & pax reconciliata, ruptaque est. Postremo Licinius navali & terrestri prælio victus, apud Nicomediam se redidit, & contra religionem sacramenti Thessalonica privatus occisus est. Eo tempore res Romana sub uno Augusto & tribus cæsaribus (quod nunquam

quam alias) fuit; cum liberi constantini Galliæ, orienti, Italiæque præsent. Verunt insolentia rerum secundarum aliquantum Constantinus ex illa favorabili animi docilitate mutavit. Primum necessitudines persecutus, (Crispum filium,) egregium virum; & sororis filium, commodæ indolis juvenem, interfecit: mox uxorem, post numerosos amicos. Vir primo imperii tempore optimis principibus, ultimo mediis comparandus. Innumera in eo animi corporisque virtutes claruerunt. Militaris gloriæ appetentissimus, fortuna in bellis prospera fuit: verum ita, ut non superaret industriam. Nam etiam Gothos, post civile bellum, varie profligavit, pacem his ad postremum data, ingentemque apud barbaras gentes memoriam gratiæ collavit. Civilibus artibus & liberalibus studiis deditus; adfectator iusti amoris, quem ab omnibus sibi & liberalitate & docilitate quesivit. Sicut in nonnullos amicos dubius, ita in reliquos egregius: nihil occasionum prætermittens, quo opulentiores eos clarioresque præstaret. Multas leges rogavit, quasdam ex bono & æquo, plerasque superfluas, nonnullas severas. Primusque urbem nominis sui ad tantum fastigium evehere molitus est, ut Romæ æmulam faceret. Bellum adversus Parthos moliens, qui jam Mesopotamiam fatigabant, uno & trigesimo anno imperii, ætatis sexto & sexagesimo, Nicomedie in villa publica obiit. Denuntiata mors ejus est etiam

per erinitam stellam, quæ inusitata magnitudinis aliquamdiu fulsit. Græci Κομήτην vocant; atque inter divos meruit referri.

CAPUT V.

Successores filios tres reliquit, atque unum fratris filium. Verum Dalmatius cæsar prosperissima indole, neque patruo absimilis, haud multo post oppressus est factione militari, & Constantio, patruelle suo, sinente potius, quam jubente. CONSTANTINVM porro, fratri bellum inferentem, & apud Aquilejam inconsultius prælium adgressum, Constantis duces interemerunt. Ita respublica ad duos augustos redacta est. CONSTANTIS imperium strenuum aliquamdiu, & iustum fuit. Mox cum & valetudine impropera, & amicis pravioribus uteretur, ad gravia vitia conversus, cum intolerabilis provincialibus, militibus injucundus esset, factione Magnentii occisus est. Obiit haud longe ab Hispaniis, in castro, cui Helenæ nomen est, anno imperii decimo septimo, ætatis trigesimo: rebus tamen plurimis strenue in militia gestis, exercituique per omne vitæ tempus sine gravi crudelitate terribilis.

CAPUT VI.

Diversa CONSTANTII fortuna fuit. A Persis enim multa & gravia perpeßus, sæpe captis oppidis, obsessis urbibus, cæsis exercitibus: nullumque ei contra Saporem prosperum prælium fuit: nisi quod. apud Singaram, haud dubiam victoriam ferocia militum amisit: qui pugnam sedi.

seditiose & stolide, contra rationem belli, die
 jam præcipiti, poposcerunt. Post Constantis
 necem, Magnentio Italiam, Africam, Gallias,
 obtinente, etiam Illyricum res novas habuit, VE-
 TRANIONE ad imperium consensu militum ele-
 cto: quem grandævum jam, & cunctis amabilem,
 diuturnitate & felicitate militiæ, ad tuendum Illy-
 ricum, principem creaverunt: virum probum &
 morum veterum, ac jucundæ civilitatis; sed om-
 nium liberalium artium expertem adeo, ut ne
 elementa quidem prima litterarum, nisi grandæ-
 vus & jam imperator, acceperit. Sed a Constan-
 tio, qui ad ultionem fraternæ necis, bellum ci-
 vile commoverat, abrogatum est Vetranioni im-
 perium: qui novo inusitatoque more, consensu
 militum deponere insigne compulsum est. Romæ
 quoque tumultus fuit, Nepotiano, Constantini
 sororis filio, per gladiatoriam manum imperium
 invadente, qui sævis exordiis dignum exitum na-
 ctus est. Vigesimo enim atque octavo die a Ma-
 gnentianis ducibus oppressus, pœnas dedit: caput
 ejus pilo per urbem circumlatum est: gravissimæ-
 que proscriptiones & nobilium cædes fuerunt.
 Non multo post Magnentius apud Mursam profligatus
 acie est, ac pæne captus. Ingentes Romani
 imperii vires ea dimicatione consumptæ sunt,
 ad quælibet bella externa idoneæ, & quæ mul-
 tum triumphorum possent securitatisque con-
 ferre.

CAPVT VII.

Orienti mox a Constantio cæsar est datus; patruī filius GALLVS: Magnentiusque diuerso proelis victus, vim vitæ suæ apud Lugdunum attulit, imperii anno tertio, mense septimo, frater quoque ejus Senonis, quem ad tuendas Gallias cæsarem miserat. Per hæc tempora etiam a Constantio, multis incivilibus gestis, Gallus cæsar occisus est: vir natura ferus, & ad tyrannidem pronior, si suo jure imperare licuisset. Silvanus quoque in Gallia res novas molitus, ante diem trigesimum exstinctus est, (solusque in imperio Romano eo tempora Constantius princeps & augustus fuit.) Mox JULIANVM cæsarem ac Gallias misit, patruelem suum, Galli fratrem: tradita ei in matrimonium sorore, cum multa oppida barbari expugnassent; alia obsiderent, ubique foeda vastitas esset, Romanumque imperium non dubia jam calamitate nutaret. A quo modicis copiis apud Argentoratum, Galliae urbem, ingentes Alamannorum copię exstinctæ sunt, rex nobilissimus captus, Galliarum restitutæ. Multa postea per eundem Julianum egregie adversum barbaros gesta sunt: submotique ultra Rhenum Germani, & finibus suis Romanam imperium restitutum. Neque multo post, cum Germaniciani exercitus a Galliarum præsidio tollerentur, consensu militum Julianus factus augustus est, interjectoque anno, ad Illyricum obtinendum profectus, Constantio Parthicis bellis occupato. Qui rebus cogni-
tis

tis ad bellum civile conversus in itinere obiit inter Ciliciam Cappadociamque, anno imperii octavo & trigésimo, ætatis quinto & quadragesimo, meruitque inter divos referri: vir egregiæ tranquillitatis, placidus, nimis amicis & familiaribus credens: mox etiam uxoribus deditior: qui tamen primis imperii annis ingenti se modestia egerit. Familiarum etiam locupletator: neque inhonoros sinens, quantum laboriosa expertus fuisset officia: Ad severitatem tamen propensior si suspicio imperio moveretur; mitis alias, & cujus in civilibus magis, quam in externis bellis, sit laudata fortuna.

CAP. V. T. VIII.

Hinc JULIANVS rerum potitus est, ingentique apparatu Parthis intulit bellum, cui expeditioni ego quoque interfui. Aliquot oppida & castella Persarum in deditionem accepit, vel vi oppugnavit. Assyriamque populatus, castra apud Ctesiphontem stativa aliquamdiu habuit: remeansque victor, dum se inconsultius proeliis inserit, hostili manu interfectus est, VI Kalend. Julias, imperii anno septimo, ætatis altero & trigésimo: atque inter divos relatus est: vir egregius & rempublicam insigniter moderaturus, si per fata licuisset. Liberalibus disciplinis apprime eruditus: Græcis doctior, atque adeo, ut Latina eruditione nequaquam cum Græca scientia conveniret. Facundia ingenti & prompta, memoriæ tenacissima, in quibusdam philosopho propior. In

amicos liberalis: sed minus diligens, quam tantum principem decuit. Fuerunt enim nonnulli, qui vulnera gloriæ ejus inferrent. In provinciales iustissimus, & tributorum, quatenus fieri posset, repressor: civilis in cunctos: mediocrem habens ærarii curam: gloriæ avidus, ac per eam animi plerumque immodici. Nimius religionis Christianæ insectator: perinde tamen, ut cruore abstineret; Marco Antonino non absimilis: quam etiam æmulari studebat.

C A P V T IX.

Post hunc JOVIANVS, qui tunc domesticus militabat, ad obtinendum imperium consensu exercitus electus est: commendatione patris, quam sua, militibus notior. Qui jam turbatis rebus, exercitu quoque inopia laborante, uno a Persis atque altero proelio victus pacem cum Sapore, necessariam quidem, sed ignobilem fecit: multatus finibus, ac nonnulla imperii Romani parte tradita, quod ante eum annis mille centum & duobus de viginti fere, ex quo Romanum imperium conditum erat, nunquam accidit. Quin etiam legiones nostræ, ita & apud Caudium, per Pontium Telesinum, & in Hispania apud Numantiam, & in Numidia sub jugum missæ sunt, ut nihil tamen finium traderetur. Ea pacis conditio non penitus reprehendenda foret, si foederis necessitatem, cum integrum fuit, mutare voluisset: sicut a Romanis, omnibus his bellis, quæ commemoravi, factum est. Nam & Samnitibus,

&

& Numantinis, & Numidis confestim bella illata sunt: neque pax rata fuit. Sed dum æmulum imperii veretur, intra orientem residens, gloriæ parum consuluit. Itaque inter ingressus, atque Illyricum petens, in Galatiæ finibus repentina morte obiit: vir alias neque iners, neque imprudens; multi exanimatum opinantur nimia cruditate: inter coenandum enim epulis indulserat. Alii odore cubiculi, quod ex recenti tectorio calcis grave quiescentibus erat: quidam nimietate prunarum, quas gravi frigore adoleri multas jusserat. Decessit imperii mense septimo, quarto decimo Kalendas Martias: ætatis, ut qui plurimum ac minimum tradunt, tertio & trigésimo anno. Ac benignitate principum, qui ei successerunt, inter divos relatus est. Nam & civilitati proprior, & natura admodum liberalis fuit.

CAPUT X.

Is status erat Romanæ rei, Joviano eodem & Varroniano COSS. anno urbis conditæ millesimo centesimo & nono decimo. Quia autem ad inclytos principes venerandosque perventum est, interim operi modum dabimus. Nam reliqua stilo majore dicenda sunt, quæ nunc non tam prætermittimus, quam ad majorem scribendi diligentiam reservamus.

FINIS

IMPERII ROMANI REGIONES XI.

Italia,	Hispania,	Asia,	Aegyptus,
Gallia,	Illyricum,	Oriens,	Britannia.
Africa,	Thracia,	Pontus.	

ITALIÆ PROVINCIÆ XVII.

Campania, in qua est Capua	Samnium,
Tuscia, cum Umbria,	Apulia cum Calabria, in qua est Tarentum.
Æmilia,	Bruttia, cum Lucania,
Flaminia, in qua est Ravenna.	Rhætia Prima,
Picenum,	Rhætia Secunda,
Liguria, in qua est Mediolanum.	Sicilia,
Venetia, cum Isthis, in qua est Aquileja.	Sardinia,
Alpes Cottiz,	Corfica,
	Alpes Grajæ.

GALLIÆ PROVINCIÆ XVII.

Viennensis,	Rhenum, in qua est
Narbonnensis Prima,	Magontia,
Narbonnensis Secunda,	Germania Secunda, in qua est Agrippina,
Aquitania Prima,	Maxima Sequanorum, in qua est Vesontiacensis,
Aquitania Secunda,	Alpes Grajæ & Penninz, in qua Tarantasia,
Novempopulana,	Lugdunensis Prima,
Alpes Maritimæ,	Lugdunensis Secunda,
Belgica Prima, in qua est Treveris,	Lugdunensis Tertia,
Belgica Secunda, in qua est transitus in Britanniam,	Lugdunensis Quarta.
Germania Prima super	

AFRICÆ PROVINCIÆ VI.

Proconsularis, in qua est Carthago,	Tripolis,
Numidia,	Mauretania Sitienfis,
Byzacium,	Mauretania Cæsariensis.

Taricon
Carthago
Bætia,
Lusitania,
r,
Gallaecia,

Dalatica
Panonia
Parionia
e Sirmio
Valia,
Prælitaria
Mizra Sup
Epis V
Epis N
Notum

Thracia
Thracia
Molia I
Scythia I

Asiatica
e Tr
Lyca,
Gallia,
Lyca,
Cappadocia,

Syria C
qua est
Syria Pa
Phoenicia

HISPANIÆ PROVINCIÆ VII.

Tarraconensis, Carthaginensis, Bætica, Lusitania, modo est Em- rita, Gallæcia,	Insulæ Baleares, Tingitana trans fretum; quod ab Oceano infusum terras intrat inter Cal- petm & Abylam.
---	---

ILLYRICI PROVINCIÆ XIX.

Dalmatia supra mare, Pannonia Prima, (Pannonia Secunda) in qua est Sirmium. Valeria, Prævalitana, Mæsia Superior, Epirus Vetus, Epirus Nova, Noricum Ripense,	Noricum Mediterraneum; Savia, Dardania, Hæmimons, Dacia, Scythia, Creta insula; Achaja, Macedonia, Thessalia.
--	--

THRACIÆ PROVINCIÆ VI.

Thracia Prima, Thracia Secunda, Moesia Inferior, Scythia Inferior,	Europa, in qua Constanti- nopolis, quæ prius Ly- cus dicta sive Byzantium, Rhodope.
---	--

ASIAE PROVINCIÆ XII.

Asia ipsa, in qua illium, id est Troja. Lydia, Galatia, Lycia, Caria,	Hellespontus, Pamphylia, Phrygia Prima; Phrygia Secunda, Lycæonia, Cyclades.
--	---

ORIENTIS PROVINCIÆ X.

Syria Ciliciz (vicina) in qua est Antiochia, Syria Palaestina, Phœnicæ,	Isauria, Cilicia juxta montem Tau- rum, Cyprus,
--	--

Mesopotamia inter Tigrin Osdroene,
& Euphratem, Sophane.
Eufratesia,

PONTI PROVINCIÆ VIII.


Pontus Polemoniacus,	Paphlagonia,
Pontus Amasia,	Armenia Minor,
Honorias,	Armenia Major,
Bithynia,	Cappadocia.


ÆGYPTI PROVINCIÆ VI.


Ægyptus ipsa, in qua est	Libya Sicca,
Alexandria,	Libya Pantapolis,
Augustamnus,	Arcadia,
Thebais,	

BRITANNIÆ PROVINCIÆ V.

Britannia Prima,	Maxima,
Britannia Secunda,	Valentia.
Flavia,	







Biblioteka Jagiellońska



str0023266

